

БАҚЫТСЫЗ ЖАМАЛ

РОМАН



МИРЖАҚЫП ДУЛАТҰЛЫ

Қазақтан шыққан талапкер,

Бұл кітапты қарап көр.

Таратуға халыққа оқып.

Боларсыздар себепкер.

Дазая, 1910.

СӨЗ БАСЫ

Мир-Якуб - төмендердің аласасы,

Сөзімнің бар ма, жоқ па тамашасы.

Жылтырап тесік моншақ жерде қалмас,

Қазақша бір роман жаза салшы.

Үш жүзге біздің қазақ бөлінеді,

Осылай шежіреден көрінеді.

Саны көп, сапасы жоқ һеммeden бос,

Ғылымға мойынсұнбай ерінеді.

Шет шығып сахарадан баспас қадам,

Болады бүйтіп жүріп қашан адам?

Бейхабар ғаламдағы хикмattan,

Тұтқындағы қапастағы күні қараң.

Болмайды кемшіліксіз һешбір халық,

Бәрінен кейін қалған қазақ анық.

Басқа жүрт біз секілді жалқау емес,

Ғылыммен қарандыны етер жарық.

Шығып жүр һәр халықтың талаптысы,

Болмай ма талаптанған әлі-ақ кісі.

Қазақта жазылмайтын бір ауру бар -

Келмейді мінін айтсаң жаратқысы.

Кеудесін мырза десен қөтереді,

Бардай-ак құрт ауруы жөтеледі.

Шегінер халық пайдасы деген іске,

Деп айтшы осы сөзді бекер еді?
Оқуга емес жұрттың бәрі құмар,
Оқығаны романды не деп ұғар?
Демеймін жалпақ жұрттың бәрі кеше,
Мағынасын түсінетін бар да шығар.
Сонда да жұрттың бәрі біле бермес,
Сөз болар жақсы-жаман бәрі кеңес.
Мақсаты романның- халық түзетпек,
Жазылған еріккеннен ертегі емес.
Жамалдың жайын жаздық бұл кітапта
Бақытсыз бір қыз еken осы шақта.
Біреуге хас нәрсе емес һәм болған іс,
Жайылған бұл бір ғұрып һәр қазақта.
Айырсын оқушылар мағынасын,
Жай ғана хикая деп қарамасын.
Көрген кім шаригаттан деген сөзді:
«Қор етіп әйел халқын аямасын».
Сатады қызды қазақ мал орнына,
Алмайды халал жұпты жар орнына.
Әйелді хайуанға қисап етіп,
Тұтады өзін ерлер хан орнына.
Байқашы өзің-өзің отчет беріп,
Бақытсыз Жамал қызды оқып көріп.
Қазақтың һәр жерінде бар емес пе,
Хисаплап уақығаны көрсөң теріп?
Бұл сөзді оқып көрер колына алған,
Иншалла, хақиқат-дүр, емес жалған.
Тыйылып мыннан бірі қияннattan,
Көрсе еken ғайібләрін һәркім қылған.
Қазақша роман жоқ басылған көп
Бұл күнде халық ішінде шашылған көп
Кәдәри-хәл білгенімше мен де жаздым,
Тілеймін болса еken деп асырған көп.

БӨЛІМ 1



Өткен қыс шаруага женіл болғандықтан мал қүйлі, бие ішті болып, Қоктал қыстаған Құрмандеген атаниң ауылы жылдағыдан жайлауға ерте шығып еді. Екі ауылнай елдің жайлауы Саумал-қөлге жағалай ауылдар қонып, былтырғы жүрттарына үй тігіп, көпзәмай бие де байлады. Қыстай бір-біріне араласпаған ағайындар сағынысып, қашаннан астас, тойлас болған ғадеттерінше бір ауылды бір ауыл ерулікке шақыра бастады. Бозбалалар аралап қымыз ішеміз деген болып, тәуір киімдерін киіп, жақсы аттарын мініп, қызды ауылды қырындал жүрүлері көрініп, балалар да асау тайларын үйретпекке еді.

Бір күні тұс кезінде көлдің жел жағынан шаңдатып шауып келе жатқан бір орыс, бір қазақ көрінді. Балалар қашып үйге тығылып, үлкендер бұл екеуі қайда тоқтар екен деп тұрғанда, барды да Бекжан деген ауылнайдың үйіне түсті. Жарты сағат болмай-ақ, сол жайлаудағы елге «ертең ерте осы жерге крестьянский начальник келеді» деп мағлұм болды. Әлгі екеуі бірі стражник, бірі поштабай екен, төренің алдынан үйтіктіріп, лау

байлатып, қой сойдыруға шыққан. Ол тұні ауылнай, выборнайлар үйықтамастан қызметінде болып, таңертең ауылдан оқшауырақ жерде тігіліп қалған бір ақ үй, бір қоңыр үй көрінді. Сәске кезінде қоңыраулатып пәуескемен төре де көрінді. Алды-артынан етектері далиып, жалпылдаш шапқан қазақтармен даярлаган үйге келіп тоқтағанда, мойындарына шынжырлы знак таққан ауылнай, билер неше мәрте шұлғып, қошаметпен, «тақсырлап» үйге кіргізді. Сол арада жұмысы бар, жоқ болса да тамашаға жүздей кісі жиналып қалған еді, халықтын қазіргі әңгімесі: «Начальник не жұмысқа келді екен? Бәлки, биылғы Сатыбалдының арызы шығып қалған болар ма?» десті. Бағзылары: «Жоқ, оның үшін неге келсін. Мәмбеттің болыстығын өзіне әперуге «келген шығар...» деп әрқайсысы өз ойындағысын айтып, даланы

бастарына көтеріп, түрілдесіп отырғанда маңдайынан тер шығып, бөркін қолына ұстап үйден Бекжан шықты.

Жұрт бүған қарап:

- Қалай, ауылнай? Төре қызметке разы ма, не жұмыспен келген екен? - деп сұраған соң, ауылнай айтты:

- Әлхэмдүлиллә, өзімді бек мақтап, қолымнан қайтала «спасибо» деп ұстады. Шыққан жұмысы бұл жерде емес, Қарасу станциясындағы Хохол қаласына барады екен, мұнда қонақ болып, тынығып, кешке жөнеледі. Өзі бек рақымды кісі көрінеді: «Шаруа қалай, ел арасы тыныш па?» - деп һәммасін сұрады. Анау күні Көтібайдың мені боқтағанын айтқаным жоқ, оны айтқанда бәлеме болатын еді, не қылайын. Хасеннің көніліне қарадым. Және де төренің бір жат хабары сол: «Қазақтан солдат алынбайды, бірақ мұжықтар секілді қала болам десен, 15 десятина жер беріледі, - деді. - Егін салындар, школ ашиндар, ұлықтарынды сыйлас, бүйіркітариын орнына келтіріндер», - деп насиҳат айтты.

Бекжан начальниктен тағы естігенін сөйлей бастағанда, әлгі топтанып отырған халыққа бір жігіт шауыл келіп:

- Сүйінші, Сәрсеке! Шолпан жеңге аман-есен босанып, тақия тігіп беретін тапты, - деді. Сол уақытта жастар «Сәрсеке» деп, үлкендер:

- Сәрсенбай, қуанышқайырлы болсын, алла ұзағынан сүйіндірсін, әйел бала деменіз! - десті. Сәрсенбай:

- Жоқ, олай деменіздер, мен қайбір ұл-қызы таңдайын деп жүрген кісі, - деп орнынан тұрып, атына мініп үйіне қайтты.

БӨЛІМ 2



О құшылар! Хикаямыздағы оқигалар жогарыда айтылмыш Сәрсенбайдың үй ішіндегі кісілерден басталғаны себепті, анық аңлатпақ үшін Сәрсенбайдың кім екендігін һәм қандай кісі екендігін жазамын. Сәрсенбай еш бір ғылым оқымаған момын, мал баққан кісі еді. Атасынан артық дәулет қалмаса да, берірек келген соң малы да жақсы болып, жылқысы жүзден асып, екі жүз, үш жүзден қой да бітіп, қатардағы малды үйінің біріне қосылып еді. Бірақ мал жағынан қоңілі хош болса да, Сәрсенбайдың жамағаты Қалампир гүмірында бала көтермей, бұл екеуі балаға мұқтаж еді.

Сәрсенбай бағзы уақытта өзі де һәм жаны ашитын жақындарының сөзімен де бала үшін бір тоқал ауды ойласа да, Қалампирдан аса алмай, әне-міне деп жүруші еді. Бір күні бір мәжілісте отырған уақытта бір құрдасының қымыз ішіп қызып отырып, әзілмен болсада, шынымен болса да сөз арасында: «Әй, қубас! Сонша малды айдал жүріп, дұрыстап зекет бермейсің, қажыға бармайсың, кім үшін жинап жүрсің? Ақырында

Қалампирдан қорқып, тоқал да алмадың», - деген сөзін естіп, ол күні үйіне бек мұңайып келіп, қатынымен сөйлеспестен жатып қалып еді. Ертеңіне ауылындағы бірекі агайындарын шақырып алыш:

- Міне, мен сіздерді шақырганым, «үмітсіз - шайтан» деген, «мал бітпес жігіт болмас, құрарына қара, ұл таппас қатын болмас, тұрарына қара» деп, бұл уақытқа шейін сабыр етіп едім. Енді мен болсам қырықтың екеуіне келдім. Қалампир да биыл отыз үште. Қатыным! Пайғамбардың сұнәті ғой, сен де рұқсат бер, агайынның, сіздер осы жұмысты қолға алындар, міне, біраз қанагат бар ғой. Мен енді бел байладым, - деп ақыргы сөзін мағлұм етті. Қалампир қанша ұнатпаған болса да, бұл сапарда Сәрсенбай да, һәм басқалар да бір ауызды болып сол жерде-ақ уағда қылғанын көріп, іші суып, енді сөйлегенімен қолдан еш нәрсе келмесін біліп:

- Не қылсандар ықтияр. Әуелінде де мен тоқал алма деген жерім жоқ, маган несін айтасындар?!!-деп түсі бұзылып, үйден шығып кетті. Мұнан кейін көп уақыт өткізбей, Сәрсенбай бір қыз айттырды. Өздеріне қырық шақырым жерде Сайболат деген елде Жарас деген молланың бір ұл, бір қызы бар екен. Молла опат болған соң, қатынын бір жақын кедей әменгері алыш, әлгі екі жетім бала соның қолына шыққан еді. Сәрсенбайдың айттырғаны осы молланың қызы Шолпан еді. Шолпанның жасы он төртке жетіп тұрған соң, Сәрсенбай малын түтел беріп, келер жылында алыш та қойды. Марқұм Жарас молла тірі уақытында Шолпанды өзі оқытып, құраннан екі шығып, азырақ хат та танып калған еді. Қалампир әр уақыт Шолпанды күнdestікпен сөзімен де, қолымен де ренжітіп журді. Шолпан он жеті жасқа келгенде, манағы Сәрсенбайдан топ ішінде суйінші сұраган қыз бала тауып, Сәрсенбай қырық беске келгенде ғұмырында көрген

баласы осы еді. Сәрсенбай зор қуанышта болып, шілдеханаға қанша қыз-бозбала жиып, ойын ойнап, қыз бала демей, көлбасын шақырып той қылыш, баланың есімін Жамал қойып еді.

БӨЛІМ 3



Жамал – сағынып көрген баланың алды болған соң, ата-анасы қолдан келгенше әлпештеп өсіріп, жасы тоғызыға жетті. Жамалды ерек балаша киіндіріп жүрген соң, білмеген кісі қыз деп ойламаушы еді. Қыз деп айтқан адамдарға ашуланып та қалған күндері болды. Бір күні Сәрсенбайдын үйіне ескі жолмен оқыған, дүниеде білмеген нәрселерім жоқ деп дұға қылуышы бір шала надан молда келіп қонды. Молда тысқа шықпақшы болғанда, Сәрсенбай:

- Жамалжан, тұрмодданың кебісін сал, құман алып шық, - деп жұмсағаннан кейін молда тыстан келіп отырып:

- Бай, осы сіздің мырзаңыздың есімі қалай? Қыздың атын қойғансыз ба?- деді (Жамалды ербала деп отыр екен). Сәрсенбай азырақ тоқтап тұрды да, күлімсіреп: «Тақсыр, мұның мәнісі бар, біз бастан кем кісі. Айымыз да, күніміз де осы Жамал болған соң, өзімізді-өзіміз алдап журміз» - деді. Молда бұл сөзге түсініп, біраз ойланып отырды да:

- Сәрсеке! Көңілге солай екені дұрыс тағой, ләкиінде

шаригатта балаға тұлым қою дұрыс емес. Жәнеде бай қызы тоғыз жаста балиға болады. Соның үшін намаз үйретіп, оқытып, шашында қойыңыз. Сіздің мұныңыз Алла тағаланың бұйрығына көнбекен секілді болады. Олай болғанда, зор құнә табасыз. Бірақ оқытқанда хат жазып кетерліктең де оқытпаңыз, хұсуса жәдид молдалардан оқытпаңыз, не үшін десеніз, олар әуелі дін, иман білгізіп, намаз оқытпай, «Иман шарт», «бәдуәм», «әптиек», «әйжіктерді» былай қойып, орыстарша а. б. т. деп орыстың ісін қуаттап, балаңды бұзады, - деді. Сәрсенбай өзі надан, «молданың өкшесі қисық деген кісі де құнәлі болады» деп жүрген кіслердің бірі болғандықтан, тек молда есімін көтерген кісі болып, біліп-білмей айтса да, мынау шаригат деген сөзге көз жұмып нанушы еді. Сол себепті алла тағаланың әмірі ғой, бұл молданың шаригаты да дұрыс екен деп, Жамалды қызша киіндіріп, шашын жіберіп, оқытуға да разы болды. Анасы өзі азырақ та болса оқып, ғылым қадірін білген соң, бұл сөзге қарсы тұрмады. Сәрсенбайдың үлкен қатыны Жамалды жан-тәнімен жақсы көргенсіп (тоқалдан туған қызды іші жек көріп тұрса да):

- Ойбай молдеке, ол не дегеніңіз. Жамал қарағым тым болмаса он беске келсін, сонда шаш қоярмыз, - деп өршеленген болды. Мұнан кейін кешікпей қызша киіндіріп, шашын өсіріп, бұрынғыдай ер бала деп көнілдерін жұбатқанды қойды. Манағы молданың насиҳаты есінде жүріп, бір құні Сәрсенбай қатындарымен ақылдасты:

- Ахметжанның молдасынан оқытуға екі шақырым жерге Жамал барып-келіп жүре алмайды. Онан да бір жастау молда жалдап алсақ қайтеді? Жамалдың себебімен ауылдың балалары да оқыр, өзіміз малдың зекетін берерміз, ақысын ауылмен бірдей көрерміз, - деді. Бұған қатындары да һәм солай деп айтқан соң, ауылы да разы

болды. Бір-екі айдан соқ жазғытұрым уақыт еді, бір күні ауылға бір шәкірт келіпті, молдалыққа тұрады еken дегенді естіп, Сәрсенбай соган сөйлесуге келді. Уфа медреселерінің бірінен оқыған шәкірт еken. Қазақ ішінде қымыз ішіп, күзгі тәхсилге қаражат жинап алу үшін мұғалімдікке шыққан Фазиз есімді ногай жігіт, жасы жиырма екілерде - ашық пікірлі, үсүл тағлымынан жақсы гана хабары бар еді. Екі жылдан қазақ ішіне шығып, қазақтың сырын білгендіктен және де Сәрсенбайдың пікірін аңғарып сөйлескен уақытында өзін шіп-шикі ескі жолмен оқыған хадимі етіп көрсетті. Себебі ол: «Аз уақытта мен бұларды түзей алмаспын, онан да бұларга хилаф келмей, өйтіп-бүйтіп қаражат жинап алайын», - деп ойлады.

Сәрсенбай шәкіртке айтты:

- Өзіміз бір ауылда жеті-сегіз үйміз, бес айға жиырма бес сом ақша береміз. Сөзді ашып айтқан жақсы, мен өз басым малымның кірін беремін, басқалар өзі біледі, ал кемпір-мемпір құлап қалса, өз талайынан, - деп күлді. Сол үйде осы ауылдың өз молдасы да отыр еді, соган қалжындаған анау жерде отырган бір жігіт сөйлемеді:

- Біздің Қасен молдадай қанды қақпан болса, бұл молда да теріс болмас. Біздің молда Торқа бәйбіше мен Жаппардың баласы өлгеннен бері дәндеп, күнде бір келе жатқан кісі болса, намазға шақыра жүр ме деп, қарап тұратын болды, - деп үйде отыргандарды ду құлдірді. Біраз сөйлескеннен кейін Сәрсенбай шәкіртпен келісіп үйіне алып қайтты.

БӨЛІМ 4



Үәделері бойынша мұғалімі һәмән Сәрсенбайдың үйінде тұратын болып, Сәрсенбаймен бірге еріп келіп, бір үлкен боз үйге кірді. Сол минутта-ақ ауылдың адамдары жиналып, Қалампир бәйбіше сабадан қымыз құя бастап, Сәрсенбайда Жамалға:

- Тұр, қарағым, молдекене мал әкел! - деп әмір етті.

Жамал атасын абір қарап тысқа шығып еді, соңынан кешікпей Сәрсенбай да шығып, Жамалға ақырын сыйырлап айтты: «Анау қүнгі жанбасы құрттап жүрген көк қозыны әкел, үйге кіргізerde кескегін алып таста! Ұқтың ба?» -деді. Жамал да: «Ұқтым, ұқтым», -деп жүгіріп кетіп, жарты сағат болмай айтылмыш қозы бата қылышын сойылды. Жиылыш отырған кіслер мұғаліммен кеңесе бастап, үйдің жабығынан қыз-қатындар сығаласып тұр еді. Бір қатын:

- Өзі қалай, орыс секілді ғой, - деп екінші катын:

- Осы ногайлардың шүлдірлеген тілі құрысын-ай, - деп, үшіншілері бір бой жеткен қызғақарап:

- Ұргашыға сүйкімді жігіт екен, - деп қалжындастып тұрды. Үйдегілер де уақытты босқа өткізбей, алды бес аяқ,

арты екі аяқ қымыз ішіп: Молда, қайда оқыдың, дәрісің не, қай қаланікісін, затыңыз ногай ма, башқұрт па, неше жасқа келдің, атаң бар ма, бұрын қазақ ішіне шығып па едіңіз, жамағат бар ма? - деп, үсті-үстіне керекті-керексіз сөздерді сұрап, мұғалімнің басын қатыра бастады. Әлхасыл осы секілді мәжіліспен отырып, сойылған малдың етін жеп халық тарады. Екінші күні мұғалімге бір қос тігіп беріп, он шақты шәкірт жиналадып оқу басталды. Бұл шәкірттердің бір-екеуі болмаса, басқалары бұрын ешбір қаріп оқымаған еді. Мұғалім қанша ұсылжадид тәртібіне оқытпақшы болып ойласа да, бала иелері:

- Молда! Балаларға иман, намаз үйрет, бұрынғы молдалардың оқытқан кітабын оқыт, біздің балаларға сол жетеді, басқалардың керегі жок, - деген соң, лажызыз олардың тілегенін оқытты. Бұрынғы оқымаған балалардың ішінде ең зейіндісі Жамал болып шықты (Жамал осы майда тоғыз толып, онға қарап еді). Бір ай өткеннен кейін мұғалім Жамалдың зейініне қызығып, Шолпанға айтты:

- Жамалды ұсыл жадидке оқыта бастасам, аз уақытта хат жазып кетер еді, бірақ бай ұнатпайды ғой, - деп.

Шолпан тұрып:

- Молдеке, біздің отағасының сөзін не қыласыз, ақырын оңашада жасырып хат жаздырып үйрете беріңіз, - деді. Мұғалім бұл жауапқа бек қуанып, сол күннен былай шәкірттер тарап кеткен соң, Жамалға күнде бір-екі сағат хат жаздырып үйрететін болды. Уш жарым айда Жамал

мұғалімнің ыждағаты, өзінің өткір зейіні саясында хат танып, жазарлықтай болды. Мұғалім әпенді сол жолмен бес ай оқытқанда Жамал бек ғайбат болып, түрлі кітаптарды оқитүғын болып қалған еді. Сентябрьдің ақырында мұғалім Уфага қайтып, Жамал да оқуын тоқтатты. Мұғалім Сәрсенбайдың үйінде тұрган уақытта Шолпан бір ұл перзент тауып, сол себепті «аяғы құтты»

болды деп, мұғалімді Сәрсенбай жақсы қарожатпен қайтарды. Сәрсенбай жаңа тұған баласының есімін осы молдадай жігіт болып, өзі де молда болсын деп Фазиз қойды. Мұғалім қайтып кеткен соң Сәрсенбай енді бір молда ұстаймын деп ертең-бүгінмен жүргенде қыс та болып қалып және де әркімнің:

- Енді жарап. Жамалды оқытпай-ақ қой, он екі пәнди түгел білсе де, әйел бала дәріс айттып елге бас болмас, - деген сөзіне Сәрсенбай айналып, тіпті молда ұстамай қойды. Ауылындағы басқалары, әр қайсысының дәулеті шағын болғандықтан, шамасы келмейтін болды. Жамалдың ғұмырындағы окуы осы бес айлыққана болып, хат жазарлықтан әрі аспай тоқтады. Мұғалім кеткеннен кейін Жамал һәммән қисса оқитын болып, атасы да тыңдаудан жалықпаушы еді. Үйге бір қонақ келіп қонса да:

- Жамалжан, қонағына қызмет ет, қисса оқы, «Сал-салың» қайда, «Қызы Жібегің» қайда? - деп, күә болып отырушы еді. Жамал да ерінбей, қиссаларды басынан аяғына шейін оқып тастаушы еді. Жамалдың оқымаған қазақ қиссасы бек аз еді. Ел аралаган мелішші саудагерде нендей жаңа қисса болса, атасы оған шығынсынбай алып беруші еді. Жамалдық бір кішкене сандығын ашып қараган кісі: «Сал-сал», «Қызы Жібек», «Зарқұм», «Қисса уақыға Көр бала»,

«Біржан сал мен Сара қыздың айттықсаны», «Ногай мен қазақтың айттықсаны», «Ақсұлу», «Айман - Шолпан», «Бозжігіт», «Шәкір-Шәкірат», Ақмолда, Нұржан, Әбубәкір молданың өлеңдері һәмбасқа сол секілді кітаптарды көрер еді. Хэтте Жамал сол қиссалардың бағзы бір өлеңдерін жатқа да біліп, бір ойынга бара қалса: «Жамал, өлең айт» дегенде тартынбай айттып салушы еді. Осындағы қиссаларды оқумен һәм ел ішіндегі айттып

жүрген қыз-бозбалалардың өлеңдерін жазып алумен, молдадан оқып жүрмесе

де, жазуын күннен-күнгө дұрыстап бара жатты. Жамалдың осындай зеректігі ауызға ілініп, он жасына жеткен уақытында әркімдер: «Сәрсенбай үйінде бір жақсы бала бар»- деп айттыруға қызыға бастап және де Жамалдың анасы ақылды, көркем қатын болғанға, «анасын көріп қызын ал, аяғын көріп асын іш» деген мақалды да еске тұтып сөйлеуші еді.

БӨЛІМ 5



Бір күні бие ағытар уақытта, ауылдың сыртындағы бір төбешікте құпия сөйлесіп үш кісі отыр еді. Оның бірі мағлұм Сәрсенбай, екеуі – сол елдегі атқа мініп жүрген, ел ара сытыныш болғаннан даулы, сөзді болғанын артық көретін пысықшалау адамдар еді. Әлгі екеуі Сәрсенбайға қарап: «Сәрсеке, бұл заманның өзі қорыққанды сыйлайтүғын заман болды, азырақ дәреже біткен кісі - бай қара кісіні кіслікке алудан кетіп барады. Сол себепті біздің сізге айтқалы келген сөзіміз - алла тағала сізге біреуден артық, біреуден кем дәулет беріп, екінші мынау бір жаман неменіз бар. Бұл жаман екі айналып келмес, бір күндерде малың шағын болып, басқа да зар болдыңыз, «кубас» деген сөзді естіген күніңіз болды. Енді тәуекел деп, атынызды бір шығарып қалсаңыз қайтер еken? Міне, сайлауга да үш ай қалды. Көп болса, үш жүзтенге шығар. Сіз мақұл көрсөніз, біз өзімізге қараған Құрман болып билікке сайлағымыз келеді, халық сөзді бір сапарға қалай тастап кете қояр еken деп ойла ймын. Өзіміздің Нұрпейіс би ризалығымен берсе, жолын алар, болмаса тәуекел деп тарға түсерміз,- деп, неше түрлі тәтті сөздермен

құбылтып, Сәрсенбайды азғыра бастады. Сәрсенбай қанша момын адам болса да сөзге бұрылмайтын пенде бола ма, дәuletке қызығып, біраздансоң: «Өздерің біліндер», - деп жауап қайтарды. Бұл мәжілістер бір мәрте болмай, бірнеше күндер ақылға салынып, ақырында Сәрсенбай билікке таласпақшы болды. Сайлау жетті, Сәрсенбай әркімге жомарттанып ат майын бере бастап, сойысы да артылды. Санақшадан төрт жұз теңге жұмсалып, шарға түскен уақытта Нұрпейіске он тоғыз шар, Сәрсенбайға он төрт шар шығып, біздің жаңа талап босқа қалды. Бұл істің бұлайша сағаты болмауы да - сол елде жұртқа қадірлі және де болыспен құда Байжан деген кісі еді. Шар салардың алдында Байжан выборнайларға:

- Сіздер шарларыңды Нұрпейіске салындар, жаңа байыған бір Құрманның болғанынан алашқа сойлескенде намыс жібермейтін, елдің белін сындырмайтын Нұрпейіс артық емес пе? - деп айтып отырғанын сол сағатында-ақ Сәрсенбайға біреу келіп жекізіп еді.

Сәрсенбай салысуга кеткен кісідей болып үйіне қайтты. Көп расход шықты (Ұл жеп жайына, қызжеп байына кетті). Қасындағы әуелті тыныш жатқан Сәрсенбайды билікке таласуга қыздырған достары:

- Қап бәлем, келер сайлау болсын! - деп қайрат берген болды. Осылайша сайлау тарқап, бес-алты ай да өтті. Бағзы уақыттарда сайлау еске түсіп, шығындарын әм намысын ойлағанда, Сәрсенбай іші күйіп, хәтте енді сондағыдан екі есе шығындалсам да дегеніме бір жетсем, арманым қалмас еді деген секілді пікірге де келіп қоюшы еді.

БӨЛІМ 6



Жогарыда айтып өткен Байжанның он жеті жастарға келген Жұман дейтін бір таз әм ақылсыз баласы бар еді. Сол елде екі-үш Жұман есімді жігіттер болғанға, бірін - «сары Жұман», бірін -«тапал Жұман», Байжанның баласын -«таз Жұман» деуші еді. «Ата даңқымен қыз өтеді, мата даңқымен бөз өтеді» деп, Байжан өзі тәуір болған сон, қол жетіп тұрган заманда бір бай жерден Жұманға жақсы қыз айттыруға ойы бар еді. Бір күндерде Байжан мәжіліс арасында: «Жұманға құда болатын лайықты жер білгендерің бар ма?» деп сұрап отырғанда, біреу тұрып:

- Биылғы Нұрпейіспен билікке таласатын Сәрсенбайдың бір жақсы баласы бар, шешесі тәуір кісі - Жарас молданың қызы, өзі оқыған бала, қазірде он-он бірге келсе керек,-деді. «Олай болса, бұл ескеретін жер екен» деп Байжан ішінен ойлап қойды. Көп ұзамай Байжан Сәрсенбайға «құдай қосса, құда болайық» деп бір кісі жіберді. Бұл хабарды есіткеннен сон, Сәрсенбай үй ішіне ақылдасып көріп еді, үлкен қатыны ұнатып, Жамалдың анасы Шолпан ұнатпады. Сөйтсе де өткен

сайлаудағы Байжанның Нұрпейіске болысып, өзін құр тастаганын ойлап, Сәрсенбай құдалық себебімен келесі сайлауда би болмаспын ба екен деген ойға кіріп, өзін билікке таластырган достарына ақылдасты. Бұлар естіген жерден:

- Құдай берді, әйде, қайырлы болсын, құда болыңыз, қызды қыргызға да береді.

Байжанның баласын жұрт пәлен-түген десе де, асылдың түқымы ғой, әлі-ақ өскен соң түзеліп кетеді,- деп өзі босап тұрган Сәрсенбайды құда қылуға айналдырды. Жалғыз-ақ Шолпан неше

күндей көнбей:

- Жамалды өзінің теңіне береміз. Байжанның баласы жаман дейді, атасының байлығы не керек, -деседе, Сәрсенбайдың құлағына кірмеген соң:

- Екі дүниеде Жамалдың обалы саған болсын, би болмақ тұрын, патша болатын болсаң да Жамалды неғып сондай жаманға қызып бермекші боласың? - деп көзінен жас төгіп, үйден шығып кетті. «Ұргашының шашы ұзын, ақылы қысқа» деген осы деп, Сәрсенбай басқа сөз айтпай, ішінен мыңқылдан отырып қалды. Сәрсенбай бұрын Жамалды жақсы көріп, өзінің теңіне беремін деп жүруінде еш шұбә жоқ еді. Бұл сапарда сайлаудағы шыққан шығын, кеткен намыс әм ілгерідегі үміт әммасы қосылып, оның үстіне көлденен кіслердің сөзі де қамшы болып, «не қылса да Байжанмен құда боламын», - деп жауап қайтарды. Бір айдан соң батасы қырық жетінің малы, екі жұз теңге ақшага келісіп, Байжан келіп құда түсті. Сүйіп болған құласын Сәрсенбай китке разы қызып қайтарды. Құда болғаннан кейін белгісіз біраз заман өтіп, Жамал он бес жасқа келді. Сұлулық, ақыл, салтанат үшеуі бір-біріне муафиқ келіп, Жамал сол елдің қызының алды болды. Бұл айтылмыш артықшылығының үстіне

Жамал сөзге бек үста болып, өз ойынан шығарып өлең де жазатын болды. Олай-бұлай қалжыңмен сойлескен бозбаланы сөйлетпейтін еді. Ел ішінде тілді бозбалалардың көзі түсे бастап, шет елдерге де «Сәрсенбайда бек көркем бір ақын қыз бар» деген лақап жайыла бастады. Осы елде бір қыз ұзатқан той болып, кешке ойынға жұрт жиналып еді. Бес-алты талапты бозбалалар жиналып:

- Осы Жамал жаста болса өлеңге де, қарасөзге де бек пәле болып барады, бүтін кешке бір өзіне өлең айтып, бетін қайтаралық, - деп, әммасы ақылдастып үш ауыз өлең шығарып, өздерінің арасында бір пысықтау жігітке Жамалдың қасында отырып айтуга тапсырды. Бұлар Жамалдың күйеуінің жамандығын бетіне баспақ болып, өлендерін де сол мағынада шығарған еді. Тұнболып, ойын басталып, манағы жігіт әуелгі планы бойынша өлеңін әбден жаттап алышп, Жамалдың қасында отырды. Бір мезгілде бұл жігітке де өлең айт деп реті келгенде, баяғы үш ауыз өлеңді Жамалға қарап, домбырамен әнге салып қоя берді:

Домбыра қолыма ұстап, бастым перне,
«Нұр жауар - деген сөз бар - талапты ерге»
Жасымнан бай баласы бұлғақтаған,
Жаман қыз олай-пұлай маған тең бе.
Білгенге - ишара сөз жетер деген,
Білмеске - сөзі қор боп кетер деген.
Есекке аргымақты қосақтасаң,
Өтпей ме ғұмыр зайды бекер деген.
Алыстан ат терлетіп келдім тойға,
Жақсымен сұхбаттаспақ болып ойда.
Қу ілген қыран бүркіт біз боламыз.
Тенгеріп жүрме, құрбым, тұрымтайға.

Жамал бұлөленін, мазмұнына түсініп және де өзіне
бұл жігіттің ойынан өлең айтарлық

өнері жоғы мағлұм болған соң, әуелі бір ауыз өлең
айтайын, сонда не дер екендең айтқаны.

Сөзіңіз бек мұләйім, ақын аға,

Өнерге жас күніңнен жақын, аға.

Беруге қалай жауап білмей түрмын,

Түсіндір сөзіңіздің затын, аға?..

Бұл тойда отыргандар енді Жамалдың мына сөзіне
жігіт не айтар екен деп тегіс тыңдал отырып, «қане,
сөйле,мырза!» деген әр жерден дауыс шыға бастады. Әлгі
жігіт өзінің бар жатқа үйренген үш ауыз өлеңін бітіріп
алып, Жамалдың мына сөзіне муафиқ жауап қайтара
алмай ұялғаннан қызырып, манағы өлең үйреткен
жігіттерге жалтақ-жалтақ қарай берді. Сол уақытта
Жамал көкірегін кернеп, мына өлеңді айтты:

Aгадан сөз қайтпады қарындасқа,
Жігіттен сіздей жауап табылmas па?

Бітсе егер өлең шіркін, бойға қайнап,

Жауапқа сіздей ғазиз тартылmas та.

Болған соң үйретінді бір-екі ауыз,

Айтуға сізге, агатай, ұнамас та.

Есек пен арғымақты мысал қылып,

Әпендім, білгенінді бетке баспа.

Пендесі хақ жаратқан емес бірдей,

Хан, қара, би, төре мен кәрі-жас та.

Намысы бөріктінің бір деген бар,

Білсеніз, сізге ұят, бұл рас па?

Замандаст, жақсы сөзді табип деген,

Құрбыға бір себеппен бітсе хаста.

«Бір сырлы, сегіз қырлы» көрінесіз,
Тағы да білгеніңді айтып таста.

Әр жерде күрбі ішінде Жамалдың осындай шешендейі көріне бастап жүргені секілді, бұл сапарда дахалық Жамалды мадақтап, «екінші Сара мұнан шықты, енді мұнымен айтисарлық Біржан қайдан шығар екен» деп, тарасты.

БӨЛІМ 7



Жамал кәмелетке жеткен соң, күйеуінің нашар екенін біліп (қатта бір тойда көрсө де керек), көніліне құннен құнгеле уайым, қайғы түсे бастады. Жамалдың бұл қасіреттерін көбейтуге себеп болған Жұманның жамандығынан құрбы арасында күлкі болған істері еді. Мысалы: Жұманды үйі қант-шай, ғайыры нәрселер әкелуте қалаға жібергенде, жолда терілерін алып сатарға сатып, он теңге алтын орнына алданып, бір тиын жаңа бақыр алып келуі еді. Әм елде бозбалалық қылмақшы болып бір қызы бар үйдің босағасында үйықтап қалғандықтан, қыздың әкесі таңертен: «Түр балам, үйқың қанған шығар», - деп үйіне жіберуі еді. Мұның әммасін Жамал естіген еді. Ата-анасы зарыққанда көрген баласы екенін де ойлап, не себепті жаман күйеуге бергеніне қайран қалып жүрді. Өзі теңдес қыздардың күйеулерін салыстырып қарағанда, Жұманның нашар жері жоқ еді. Басқа шет елдерден күйеуіне разы болмай, екінші жігітпен қашып кетіпті дегенді естігенде, ішінен ойлап: «Олар да мен секілді бейшаралар той», - деп аяушы еді. «Олар секілді бір жігітпен көніл қосып

қашсам, пәленшенің қызы қашып кетіпті деген сөз болып, атамның сүйегін сындыргандай боламын. Разы болып Жұманға барсам, ғұмырымша қор боламын ғой», - деп қайсысын істеуге ақылы жетпей, бағзы уақыттарда тұн бойы ойлаумен үйіктамай да шыгушы еді. Әр уақыт осындаі уайымда болған соң, Жамал жүдеп те кетті.

Ата-анасы:

- Қарағым, сен неге жүдеусің? - дегенде:

- Жай басым ауырады, - деп қоюшы еді. Жамал осындаі уайымдарда болып жүргенде, бір күні Байжаннан Сәрсенбайға: «Биыл баламды ұрын жіберемін», - деп сәлем келді. Бұл хабарды естігеннен кейін Жамалдың қайғысы бұрынғыдан үш есе артты деуге лайық болды. Жамал қанша ішінен қапаланса да, басқа бір кісіге айтудың ебін таба алмай, бір күні қолына қағаз бен қарындаш алып, «тым болмаса көңілімдегі қасіретімнің оннан бір бөлігі шықпас па екен», - деп, өз басындағы халіне бір азырақ өлең жазып еді. Шешесі Жамалдың бір қағаз жазып отырып, қасына бір хат танитын кісі барса жасыра қойып жүргенін көруші еді. «Бұның жазып жүргені немене?» - деп, Шолпан азырақ шүбделанып, Жамалға білгізбей, оңашада Жамалдың қалталарын ақтарып, онан еш нәрсе шықпаган соң қағаз, кітап салатын сандықшасын қараса, бір кітаптың арасынан мынау өлең шықты. Манағы

Жамалдың жазып жүргені сол екен.

Алланың рақматына созамын қол,

Адасқан мен бір ғаріп таба алмай жол.

Ашылып біздің басқа түскен тұман,

Шаттықпен өткіз деймін - тілегім сол.

Сыртым сау, ішім тұтін қапалықта,

Бұл күнде көңілім жүдеу, қасіретім мол

Теренге түсіп кетем, ұстар тал жок,
Бір алла, жалғыз өзің жәрдемші бол!
Бақшада сайрап жүрген сандугаш ем,
Кез болды мен сорлыға құрылған тор
Көл болып көздің жасы өткенім ғой,
Болмаса арылмаған маңдайда сор.
Жайланаған аққу едім шалқар көлді,
Бұл күні көрініп түр жаман да зор.
Оралдың ілер деуші ем ақиығы.
Шынымен жапалаққа болам ба қор?!
Мен қайран атам малға сатқанына,
Бір тазды жалпақ елден тапқанына.
Аты өшіп тумай кеткір Жұман деген!
Мал беріп, мені өзімсіп жатқанына.
Атанып бай баласы қара басқыр -
Жұманның не бересің мақтанына?
Қазақтың құллі ғайып ғадетінде
Түскенім бар қасқырдың қақпанына.
Атама мен не жаздым қор қылғандаі,
Болмаса бір мінезбен жақпадым ба?
Жасымнан тәрбиелі хан қызындай,
Қасірет ақырында тартқаным ба?
Әлпештеп ұлдан артық қыз басымды
Өсірген атама обал артқаным ба?

Бұл сөзді оқып көрген соқ, анасының көзінен азырақ жас кетіп, қызының мұндаі қайғыда жүргенін біліп, әлгі қағазды да орнына салып қойды. Енді Шолпан Жамал қанша уайымда болса, сонша қайғыра бастап, бір күні түнде төсекке жатқан соң Сәрсенбайға сөйлемеді.

- Құданың құдіреті, әуелде сен тіл алмай, баланы мүнша қайғы-қасіретке салдың, міне, көрмеймісің, Жамалжан өзді-өзінен азып, жүдеп кетті. Осы қалпымен

қор болып кетсе, екі дүниеде бізге разы болар ма, біздің ата-аналық хақымыз мойнымызда емес пе? - деді.

Сәрсенбай не айтарын білмей:

- Сөйтіп жүр ме, сөйтіп жүр ме? - дей берді. Шолпан ашуланып:

- Сөйтіп жүрмей құрысын, өз басында еркің жоқ, әркімнің қыздырған тіліне еріп, ақырында Жамалдың көз жасына қалып отырмыз. Ата-бабаң істемеген істі қыламын деп би болғансып, бір жылдың ішінде, қане, шыққан мүйізің? - деді. (Сәрсенбай әуелі таласып болмай қалғаннан кейін, келер сайлауда құдасының себебімен би болса да, бір жылға жетпей съезд уақытында бір кісіні боқтап, қамшымен салып қаламын деп, билігінен түсіп қалған еді).

Сәрсенбайдан берекелі жауап шықпаған соң, Шолпан тағы да сурады:

- Енді өстіп Жамалды сүймеген кісісіне береміз бе? - деп. Соңда Сәрсенбай қайраттанып:

- Осы ит не былшылдан отыр? Құдайдың жазғанынан артық не қыламыз, екінші кісіге береміз десен, Байжан болыстармен қосылып, біздің жанымызды қоя ма? Малымыздан құрық, басымыздан сырый түсіре ме? «Қатын - дүшпан» деген осы, болмаса бұл сөзді айтарма едің, - деді. Сәрсенбайдың жуас, қорқақтығы Шолпанға бұрыннан мәлім әм бұл сапарда да пікірі тамам көрініп қалған себепті, енді бұл тұста Сәрсенбаймен ақылдасып, бастанына түскен уайымды бөлісуден үміт үзіп, сол түннен былай Жамал хақында Шолпан Сәрсенбаймен ешнәрсе сөйлеспейтін болды.

БӨЛІМ 8



Бас аман, малы түгелдердің көнілі шаттықта, Жамалдың көнілі һәмән қайғыда болумен біраз уақыт өтіп еді. Жамал қанша қайғылы болса да, сырын халыққа білгізбес үшін, һәм жабыққан көнілін көтеру үшін, қыз-бозбала жиналған ойын-тойдан қалмаушы еді. Және де Жамал болмаган ойынның қызығы аз секілді көрінуші еді. Қыс ортасы болған еді. Бір күні сол елде бір байдың баласы болмай жүріп, жамағаты ұл тапқанға, қыз-бозбала үшін үлкен мәжіліс-шілдехана болды. Атырабындағы ауылдың қыздары тамам келіп, Жамал да әзір болды. Ағаш үйдің кең бір бөлмесіне төрінен есігіне шейін халық толған еді. Бұл елде ойын-сауық әлі қалмаган, болғанға бір қыз, бір жігіттен қатар отырғызатын әдет бар еді. Жиылғандар бірі өлең айтып, екіншілері қалжындасып, ойын әлі қызып басталақоймаган уақытта есіктен: «Кеш жарық!» - деп, бір-екі жігіт кіріп келді. Бағзы бозбалалар:

- Міне, бір сыпайы жігіттер келді. Қай жерге отырғызамыз? - деп ақылдаса бастап, көп кешікпей біреуін Жамалдың қасына әкеліп отырғызды. Бұл жігітті

біздің Жамал танымайтын еді. Ләкін Жамалдың қасына отырғызудан бір тәуір жігіт екендейті аңланды. Бұл жігіт отырып болған сон, үйдегілерге қысқа-қысқа сөзбен амандастып, сонынан Жамалға қарап:

- Сіз де сәламатсыз ба? - деп қойды. Бұл жігіт орта бойлы, қияппатты, бетінде азырақ қорасан дағы бар, жаңа мұрт шығып келе жатқан, сөйлеген сөзі сырпайы, әдепті, күімі ногайшалау Ғали есімді бір зат еді. Қөддененен қарап салыстырғанда бұл үйдегі жігіттердің абзалы Ғали, қыздардың абзалы Жамал секілді көрініп, екеуінің қатар отырулары да бек жарасып кетті. Ғали бір болыста басқа ауылнайға қараған Дүйсебек деген кісінің баласы еді. Жасынан талапты болып Қызылжар, Троицкідегі медреселерде оқып жүріп және де частный учительден оқып та орысша азырақ сөйлеп, жазарлықтай шамасы бар еді. Мұсылманша жақсы оқыған болса да, елге шығып молда болмай, соңғы уақыттарда оқуды да қойып, азырақ саудаға айналысып еді. Атасы бай адам болмаса да, Ғали инабатты жігіт болып, әрдайым алыс-беріс істерінде уағдаласында опашыл болғандығы көрінгенге, байлар шамалап несие беруден тартынбаушы еді. Әуелті уақыттарда оқуда болып, бұл уақыттан саудамен жүрген себепті елде тұруынан тұрмауы көбірек болып, өзін халық, халықты өзі анық танымайтын да еді. Тек сыртынан Дүйсебектің баласы талапты, еті тірі жігіт, қысы-жазы үйде отырмай оку оқып, кәсіп қылады деуши еді. Жаңада өткен бір жәрменкеде алыс-берістерін бітіріп, бір-екі жұз теңгелеп пайда қылып, үйіне қайтып, ағайынды аралап амандақта жүргенде, осы ойынға кез келген еді. Ғали Жамалмен қатар отырған соң, бір-бірінің халін һем кім екендіктерін сұрап-блісті. Ғали Жамалдың бұрынғы көріп жүрген жігіттерінен сөзге ұстарақ, сұраған сөзіне толық жауап қайтарып һем өзі де ләzzатты сөздер сөйлей бастаганга маңайындағылардың не істеп, не

сөйлеп, не ойнап жатқанын естімеген секілді ұмытып, шын ықыласпен кеңеспек те еді. Әр түрлі ойын болып, ақырында «Бұғыбай», «Мыршалай - мырыш» деген ойындар тамам болған соң, бір жігіт бір белбеуді есіп алып:

- Енді, әлеумет, өлең айтасындар, айтпайсындар, айпағандарыңа мінекей, - деп, қолындағы есілген тоқпақтай белбеуін көрсетіп қорқытып аралап журе бастады. Білген қадарынша Ғали мен Жамалдан басқа бозбалалар өлең айтып жатса да, өлеңдері қашаннан бері айтып келе жатқан ескі өлеңдер еді. Мысалы:

Біздерде өлең де бар, өнер де бар,
Байларда мінілмеген дөнен де бар,

- деген секілді, соның үшін артық ләззатты болмаганға, жазбадым. Енді өлең айтуға рет әуелі Ғалиға, соナン соң Жамалға келіп еді. Ғали домбыраны әкеліп ұсташаның соңында: «Мениң өлең айту әдетімде жоқ еді, білмеуші едім, - деп күлімсіреп отырып: - Қайыр, енді қонілдеріңіз қалмасын», - деп көркем әнмен домбыраға дауыс қосып сөйледі:

Ал сөйле, келді кезек енді, Ғали,
Керілмей ұста қолға домбыраны!
Рух берген мәжіліске, қызмет көрсет,
Сайратып тіл мен жақты болса халі
Өнерің болса ішінде шығар сыртқа,
Бұл жerde жасырудың болмас мәні
Қандырып құлақ құрышын тыңдаушының
Жарайды, міне, жігіт, десін пәлі.
Секілдірайхан гүл бақшадағы,
Уылжып жігіттіктің түрган шағы
Таба алмай айтар орын журуші едін,
Естіртші жас елдердің болса әні

Нақышпен сандуғаштай жұз құбылтып,
Даусынды түрлендірсөн келер сәні.
Жастыққа сауық-сайран еткен күнің
Емес пе жігіттіктің раушаны?
Тыңдаушы асыл сөзді табылғанда,
Айтушы тартынар ма және тағы.
Қадірлес құрбыларың жиналғанда,
Тарқасын разы болып сынбай сағы.
Жасымнан елде жүрмей, өстім шетте
Демесін кәне елді сағынғаны.
Құрбыңа жатырқамай аш сырныңды,
Жүйріктей бауыр жазып бабындағы.
Ұмытпа мысалды да деп айтылған
Тұлкіні тазы алады табындағы
Болады не нәрседен және де ескер
Жігітке абыройдың табылмағы.
Емес пе екі жүрек бірдей келсе,
Арада махаббат оты жағылмағы
Мінеки, домбыраңыз, тоқтадым мен,
Сөйлесін сұлу Жамал жанымдағы!
Фали бұл арада айттып болдым деп домбыраны
Жамалға ұсынғанда, отырған халық: «Мырза, тағы айта
түсініз?»- деп өтініш айтқан соң, Фали тағы да мынау
өлеңді айта бастады.

Жақсы қыз баға жетпес бір гауһар тас
Он алты, он жетіге жеткенде жас
Жәннаттың пісіп тұрган алмасындей,
Қол жетпес, қандай жігіт ләzzат алмас
Сұлу қыз рақаттың кілті емес пе?
Қолына тұсіре алсаң, бардағы аш.
Тізілген меруерттей отыз тісі.
Нұрлы жұз, жайнаган көз, қыылған қас.

Шекеде камшат бөрік, киген асыл,
Сылдырлап алтын шолпы, иықта шаш
Бұралған тоты құстай мүшелері,
Бозбала сұхбаттасқан болмай ма мас.
Қатасыз осы айтқандай болып тұрса,
Жолында сондай қыздың қияр ем бас
Болатын мақсұт хасыл жол табылса
Тәрік етіп қандай жігіт малын салмас.
Серт айтып уағдамен бел байласа
Айтар ма жақсы жігіт жүртқа сыр фаш?
Талапкер бозбала айтқан сөзім
Сөз емес мұның бәрі өзіне хас
Кеудеде жанып тұрған оты жоқтар
Қадірлеп бұл сөзімде, демес рас
Шәрбатын ғашықтықтың татпагандар
Ант беріп айтсаң дағы сірә нанбас
Шаһбазлар сүйген үшін ізденуден,
Көрсе де нендей қорлық, бір тартынбас
Жанған от, көзделен оқ тұрса дағы,
Сескеніп ғашық үшін жүрек қайтпас,
Магниті сұлу қыздың күшті емес пе,
Жігітті көнілі сүйген қайтіп тартпас,
Астынан ақ тамақтың демінді алсан,
Мойныңнан ақ білекті қайтіп артпас?!

Fали бұл өлеңді айтып болған соң, отырған ретінше
Жамал айтты:

Cөйле, тілім, шешіліп осындаіда,
Құрбылармен бір жерге қосылғанда.
Отырмассың үнемі төрде бүйтіп,
Еріксіз-ақ қоярсың тосылғанда.

Емес пе едік, япым-ау, кеше бала
Білетүғын жастықпен есті шала.
Белгісі жок еken ғой өткен күннің,
Қатар түзеп қыз болдық, міне, қара!
Қыз байғұс ел-жүртyna келген қонақ,
Мысалы, қызғалдақтай ғұмыры шолақ.
Күн келер өз басынан ерік кетер,
Қалалық осындауда күліп-ойнап.
Сөйледі Ғали мырза жігіт жайын,
Нәркімнің халі өзіне тұrap дайын.
Қыздарды жігіттермен салыстырып,
Тындаңыз, мен азырақ сөз қылайын.
Жігіттің еркі өзінде - жылдың құсы,
Үшса да, я келсе де отыргысы.
Мысалы, жазы болған жаққа кетер
Бір жердің қары жауып, туса қысы.
Қыз байғұс қолға түскен сандуғаштай,
Торында ғұмыры өтер кілтін ашпай.
Сатады мал көп берген кісі болса,
Кетеді жылап сорлы қарсыласпай.
Рақым етпес және ата-анасы,
Болса да жақсы көрген өз баласы.
Теніне қыздың көбі бара алмайды,
Көнбеуге және дагы жоқ шамасы.
Қалайша тұрсын енді жыламай қыз,
Ерлерге қарсы келсек ұнамаймыз.
Тұтқында өскен жаңдай дүние көрмей
Жол ізден ұлықтан ерік сұрамаймыз.
Жаманға барсаң қор боп ғұмыр өтер,
Үстайды ол ақымақ күннен бетер.
Күн шығып, ай да туып, көз ашылып,
Бұл қайғы қыз сорлыдан қашан кетер?
Кісінің туып-өскен жері қымбат,
Үйренген бала жастан елі қымбат,

Ата-анаң, аға-женғең қадірлекен
Тебіскен құлын-тайдай тені қымбат.
Тастайды осылардың қызы һәммәсін,
Қор етіп бір жаманға газиз басын.
Өзінің сүйгеніне бара алмаса,
Қалайша енді олар сағынбасын.
Қызы бермек пайғамбардың сұндетіндей,
Ұзатпақ ата-анаң міндетіндей.
Һәркімнің өзіне ерік берген жоқ па,
Алланың бұны дейміз құдіретіндей.
Сөзімде қата болса сөкпе, халқым,
Әшейін айтып өттім сөздің салтын.
Тұрган соң көзің көріп қияннatty,
Тартады уайымдаң көңіл салқын.

БӨЛІМ 9



Бұл күні Ғалимен Жамал әбден сөйлесіп, әрқайсысы ҳал-ахуалын біліскең еді. Иштерінен бір-біріне ұнагандығы білініп, «бір көрген біліс, екі көрген таныс» мұнан былайда кез келіп жүрерміз деп, бұл сапарда айрылысқан еді. Фали әлі қалың бермеген бір талапты жігіт болғанға, Жамалдың күйеуіне наразылығына қарай екі тараптанда бір-біріне маҳабbat байланды деуте лайық болды. Не үшін десеніз, екеуінің де сол ойын болған түндегі сөздері көңілдерінен кетпей һәмән бірін-бірі ойлайтын болды. Мұнан кейін Фали Сәрсенбайдың үйіне бір-екі мәрте келіп кеткен уақытта, Фали мен Жамалдың бір-біріне көз қарауларын байқап тұрған кісі болса, екеуініңде көздерінде: «Мен сені жаным-тәніммен сүйемін», - деген жазуды оқығандай болар еді. Ләкін екеуі оңаша жолығуға ешбір реті болмай жүрді. Бір күні Фали қалага бара жатыр едім детен болып, Сәрсенбайдың үйіне келіп қонды. Далага шығып-кіріп жүргенде Фали Жамалға әдейі бір жолығу үшін келгендейгін сездіріп қойғанда, Жамал түнде Фалидың қасына келуін шүбәсіз деп ойлад қойды. Իәм бұл ойы да теріске кетпей үй іші

ұйықтаған уақытта екі жас бір төсекте еді. Екеуі әуелі жолыққан құндерінен бері нендей ойлар ойлагандарын, бірін-бірі көргө сағынғандарын айтып һәм бастарындағы оқиғаларын да азырақ қозғап қойысты. Екеуі түбекейлі терең ойға бармай, ақырын көрерміз, қазіршे ойнап-күліп жүрейік деп уағда етіп, араларында шын достық галаматтары болып қалды. Екеуі бірдей қазақтың ғұрпында болған қatalарды, жәбіршілктерді сөйлем, Жамал өзі ес білгеннен бергі уайымдарын бір минуттың ішінде ұмытып, енді Галиды көрмей түрған минуттар - бір жылдық көрінерін Галидың құшагында жатыпайтып білдірді. Осылайша Гали, Жамал дос болып, әрбір лайықты уақыттарда жолығып, сұхбаттасып жүріп, қыс өтіп, жаз да келді. Бұл екеуінің көнілдерінде бір ғана ой бар еді. Бірақ бір-біріне бұл күнге шейін айтуда әрқайсысы өздеріне сенбеген секілді болып, үндемей жүруші еді. Бұл ойын Жамал сөйлесе, Гали қабыл алуы, Гали сөйлесе, Жамал қабылалуы шүбәсіз болса да сөйлеуге екеуінің ойындағы мақсаттары бір болған секілді қауіппері де һәм бір еді. Жамал мен Гали аз күнгі ойын-құлқінің қызығымен өздерін дүниедегі бақытты адамдардан санап жүргенде, бір күні бұларға үлкен қасіретті хабар естілді: «Байжан мен Сәрсенбайдың арасындағы уағдалары болып, енді бір айда Жұман күйеу үрын келіп қалыңдық ойнайды», - деген өсек расқа шықты. Бұл ренішті хабар бұл күнге шейін Жамал мен Галидың іштерінде сақтап жүрген сырларын бір-біріне білдіруге себеп болды. Бұл айта алмай жүрген сырлары - екеуі қалай ғұмырлық жолдас болып, Жұманнан Жамалды құтқару екен. Бірақ әрқайсысыда өздерінен басқа ешбір жәрдемші болмағанға текке халыққа масқара болып, мақсатқа жете алмай қаламыз ғой деп қорыққан екен. Енді мынадай Жұман келеді деген хабар анықта шыққан соң, дүниеде бірінен бірі бөлек тұрудан қапаста

жатқанды артығырақ көріп, не болса да, екеуі қосылуға бір жол қарамақшы болып, енді қай күні бір жолықса бұрынғы іштегі жұмбақ болып жатқан сырларын таласып сойлемекші болып тұрганда,

Жамалға Ғалидан бір хат та келіп жетті. Оқып көрсе, бұл еді:

Тұра алмадым толықсып хат жазбасқа,
Зылиқа мен Жүсіпті қосқаныңдай,
Ішкі сырды білтізіп замандастқа.
Екі көніл бір жерде қосылса егер,
Не қызық бар жаһанда онан басқа?!

Тілегің бер, илаһим екі жасқа!
Айтпасаң да қалпыңды, мен байқаймын,
Жек көрмейсің мені де сен байғұс та.
Дертім сыймай ішіме, еттім сыр паши,
Неш үндеңей жүрсем де жазы-қыста.
Сипатыңа қызықпас қандай жігіт,
Хор қызыңдай нұрлы жүз, қолаң шашқа,
Сөзің бұлбұл секілді, жүзің айдай,
Сені сөккен пенде де Неш онбас та.
Мен мұнда, көнілім сенде, ойың кімде,
Тілеймін осы сөзді ұмытпасқа,
Емеспін мен Жұмандаңай бай баласы,
Жоқтықты, сұлу Жамал бетке баспа!
Ақылсыз жаман шіркін алып кетсе,
Қызғанып халім бар ма қайғырмасқа.
Сенің де өткен күнің жылдай болып,
Көніліңнен қасіретің арылмас та.
Ерте-кеш көз алдында тұргандаисың,
Қарағым, Неш болмайды сағынбасқа.
Жамалжан, талап таудай болса дағы,
Тон келте, сүйгеніңнің қолы қысқа.

Төскейден қызыл тұлкі бұлаң етсе,
Төбеден қыран бүркіт ұмтылmas па?
Жапалақ бадырақ көз босқа қалып,
Қырги құс түлкін алып құлпырmas па?
Отырып тәуекелдің кемесіне,
Ай дарига, дариядан өте шықса,
Ғашықтық уағамен тәуекелшіл,
Қажымай осы үшеуін мекем үста,
Кімде-кім жетер сонда мұратына,
Пайда жоқ жүрексінген қорқынышта.
Аз сөзде көп мағына деген мысал,
Халімді баян етіп жаздым нұсқа.
Жамалжан, парасатлу етер фаһім,
Бұл сөзім байлтифат қалмас босқа,
Рақматына мың сан разы болар едік,
«Ғали-Жамал лайық» - деп, алла қосса.
Келер деп нендей жауап күтіп қалдық,
Хат жазып жанабыңа жолдаپ почта.
«Құп!» - деген жібермесен дәруінді,
Зораяды құннен-құнгеп біздің Хәста.
Дүшпан кеп, досымыз аз, халық сенімсіз,
Я, алла, тұра жолға өзің баста!
Ғалидан - пақырыңыз жазылды хат
Махаббатлу махбуба Жамал досқа.

Бұл хатты Ғалиден Жамалға алып келген жігіт әр үақыт бұл екеуінің арасында осындағы құпия хабарлар һәм хаттар тасып жүретін Ғалидың бір анық сенген кісісі еді. Бүгін бұл хатты

Жамалға тапсырып:

- Жауабын ертеңге шейін даярлап қоярсың мен бір ауылға барып қайтамын, - деп кетіп қалды. Жамал бұл хатты үш-терт мәрте оқып шығып, бір қызып, бір суып

Жұманға барса ғұмырынша қайғы-қасіретте өтетінін ойлап, Фалимен қашса не түрлі үят мاشақттар болып, ақыры нешік болатынына көзі жетпей, аздағдарып, көзінен моншақ-моншақ жастарды төгіп алды. Біраздан соң тағы да қайраттанып: «Тәуекел, алла басқа салған соң, не де болса көтердім, Фалимен ғұмырымша қол ұстасып жүрсем де арманым болмас», - деп ойлады. Егерде Фалимен қаша қалса кім тілекtes, жәрдемдес боларын ойлаганда, өзінің шешесі Шолпаннан басқа ешкім кезіне көрінбеді. Шешесіне сиынатын себебі окушыга да мәлім. Шолпан әуелден Жамалды Жұманға беруге разы болмай, Сәрсенбайға тілін алғыза алмай қойған еді. Екінші, Жамал ер жеткен соң Жұманға көңілі наразы болып жүргенін де сезіп, хәтта сол мезгілде Жамалдың жазып жүрген өлеңін де тауып алып оқыды, деп жоғарыда жазып едік. Үшінші, Жамал мен Фалидың жақын болып жүргендерін біліп, көріп жүрсе де, білмегенсіп жүруші еді. Жамалды Фалиға лайық көрген секілді болып, Фалиды шын ықыласымен баласында жақсы көруші еді. Ұзын сөздің қысқасы, ақырында Жамал Фалидың жазған сөздерін қабыл алып, қарсы жауап та жазып, ертенінде маңагы жігітке тапсырды. Бұл жігіт хатты сол күні-ақ Фалиға жеткізіп берген соң ашып оқыса, жазылған сөз мынау екен:

Fалижан, біздің қолға тиді қағаз,
Жазғанын қабыл алдым сіздей шаһбаз.
Мақсатқа муафиқлы сөз шықсан соң,
Өнім бе, түсім бе деп түрдым біраз.
Сіздейін жаздым жауап білгенімше,
Не түрлі жазған сөзің кірді ішіме.
Сырымды жалғыз саған білдіремін,
Айтпаған мұнан бұрын бір кісіге.
Мағұлым бір сөзіңе менің халім,

Неш рақат көрмегендей сенсіз жаным.
Еріксіз бір есекке қосақталсам,
Жаһанда екі бірдей келмес мәнім!
Қосылсам нәсіп болып сеніменен,
Кім айтар жүрмеді деп теңіменен?
Сенімен отқа жансам арманым жоқ,
Жуылмаған Жұман атты періменен.
Хатында «бай емеспін» деп жазыпсың,
«Бетке салық қылма» деп, көп жазыпсың.
Байды сүйсем, Жұманға бармас па едім,
Мұны ойламай, әшейін тек жазыпсың.
Бір сенсің ғашық отын сөндіретін,
Кім бізді ықтиярызың көндіретін?
Өлсек шүқыр бір болсын, шықсақ - төбе,
Айрылмалық болса да өлтіретін.
Бір алла жалғыз өзі болсын айғак,
Тұралық уағданы бекем байладап,
Сен үшін бір басымды еттім құрбан,
Шынжырлап жіберсе де Сібірге айдал!
Біз көндік мұндаидай халге құдай салды,
Панаңыз мазлұммен мен бір зарлы.
Ал енді күн-түн демей хайла қара,
Келуіне жексүрінның бір ай қалды.
Мен де жоқ аға-женге мұнымды ашар,
Сырымды басқага айтсам, жүртқа шашар.
Білмеймін апам байғұс не қыларын,
Жалғыз-ақ сенетінім - ақылдасар.
Аналық мейірбаны түссе егер,
Дүшпанинан құтылуға хайла табар.
Сенбеймін неш кісіге мұнан басқа,
Керек атам, керек жақын ағайындар.
Жан досым, төрт-бес күнде жолығып кет,
Болса да сөйлесерміз нендей рет.
Өзің де қарап жүрмей ескере бер,

Көңілге кіргеннен соң мұндаій ниет.
Келмедің он бес күндей, мен көп тостым,
Санаулы енді аз ғана біздің бос күн.
Қайырлы сағаттарда ескергей деп,
Хат жазған қалам қозғап Жамал досың.

БӨЛІМ 10



Fали бұл хатты оқығаннан кейін сол күні өзіне сенімді құрбылары Жұніс, Нұрмаш деген жігіттермен қун батқаннан тұн ортасына шейін ауылдан аулақ бір оңаша жерде ақылдақсан еді.

Фали:

- Мінекей жігіттер, бала жастан бірімізге сен деспей ойнап әскен құрбы едік. Қазірде демен мынандай бір қиялға түсіп түрмyn. Айтқан сертіне қыз жетіп, мен жетпей қалсам, маған тірідей өлім ғой деп ойлаймын. Мен тәуекел деп бұл іске басымды байладым, сендер не ақыл айтасындар? - деді. Әлті жігіттер:

- Оның бізге несін айтасың, біздің сенен аянар еш нәрсеміз жоқ. Бұл заманда қыздың басында ерік бар ғой, азар болса малын алар, кім қызды тегін береді, - дегеннен кейін Фалидың қуанғаннан екі көзі жайнап кетіп:

- Не қылса да осы іске бір өнер-қайрат ете көріндер, - деп, ертең тағы да ақылдаспақшы болып тарқасты. Бұл үшешін ертеңіне һәм бас қосып, бұл жолғы мәслихаттары: әуелі Фали Жамалға барып, оңашада әбден сөйлесіп, қай күні қашатындарын уағдаласуға қаратты. Көп кешікпей

Ғалида бір күн тұнде, Сәрсенбайдың аулының тұсындағы бір сайды, сүйіктісі Жамалмен келешекте бірге рақат ғұмыр өткізулерінің желісін сөйлем түр еді. Дүниеде бұл екеудің бір жақтан істің ақыры нешік болады деген үлкен қорқыныш, екінші жақтан дүшпандың қолына түспей құтыламыз ба деген қуанышпен жүректері лүпілдеп, бірінің қолы бірінің мойнында болып, екі ташық бір ойда еді. Май жұлдызы, таңқысқа, ай жарық, дүние тып-тыныш, жел жок, *hayu* жақсы, жаңа қонған

жұрт, көкорай шалғын, жапырақ гүлдердің иісі аңқып, біздің жастарды көріп тұрган жалғыз Алла, екіншісі аспандағы Ай мен Жұлдыз еді. Жан-жануар күндізден шаршаған секілді тынышып, жылқы жусап, қара мал қүйсеп, анда-санда қой үріккенде үйқысы сақ төбеттің маңқылдарап үргені, кемпір-шалдың айтақтаған дауысы тана естілуші еді. Бұл бейшаралардың да бозбалалардан «үнің өшсін» деген қарғыстан басқа алғысы жок еді. Махаббат мұптәл есіне душар болған сұлу қыздар елеңдеп үйиқтай алмай, тастан қатты шешесі есікті құлыптаپ, түнлікті ашып қойғанда:

Әттең айдың жарығы күндізгідей,
Ер жігіттің қадірін қыз білгендей,
Қыз байғұстың басында ықтияр жоқ
Есік ашып, досын үйге кіргізгендей,
- деген бір ауыз өлеңді іштерінен «үһ» деген күйінішті дауысқа араластырып айттып жатқанын қасына барып кім көрген.

Торғай шырылдаپ, таң белгі бере бастады, біздің сайдагылар қысқа таңының атқанын білмей қалған еді. Жамал Ғалиға айтты:

- Анау күнгі саған жазғаннан кейін менің өнім де бұзылып жүрсе керек, апам оңашада қайта-қайта:

«Қарагым, неге мұнша сарғайып кеттің, сырныңды айт, бөтен ойың болса менен жасырма, мен сенің біреуге қор мұқтаж болмағаныңды ойламасам, саған жамандық тілер деймісің?» деген соң және апама сенген соң, бар сырымды сөйлеп едім: «Олай болса, қарагым, бетіңнен жарылқасын. Ғалиды мен жек көрмеймін, бірақ қайтейін, құдай тағала сені бір жаманға байластырып қойған соң», деп жылапта жіберіп, ақырында өзі бізді шығарып жібермекші болды, - деді. Бұған Ғали да бихисап қуанып, екеуі ендігі жексенбіге осы сайды белгі қылып, уағда байласты.

Ғали үйіне келіп, өзінің бұл іс хақында ақылдас болып жүрген құрбыларымен сөйлесіп, келер жексенбіге ат сайландыра даярлана бастады. Екі дос - Жұніс пен Нұрмаш Ғалиды шығарып салмаққа бұлар да даярланып, сенбі күні «не болса да ертең болады» деп, жас жүректері дамылсыз соғуда еді. Ғали даярланғанда Жамал да қарап жатпай, ақырғы сырын тұған анасы Шолпанға айтқанның сонында, Шолпан да разы болып, жол қамын ойлай бастаған еді. Жексенбі күні де болып, ел жатқан уақытта Ғали, Жұніс, Нұрмаш үшеуі, ерлекен бір ат жетегі бар, жолықпақшы болған сайда даяр болған еді. Бұларға әр бір еткен минут сүрленген жылдай болып: «Қашан келеді, қашан келеді», - деп қарап тұрганда, бүркенген екі әйел көрінді. Келсе, Жамал мен оның шешесі екен. Бұлармен Шолпан

амандасып болған соң:

- Шырақтарым, енді алла тағала қайырлы сапарын беріп, мақсаттырыңа жеткізсін, қайда жүрсендер де аман жүріндер. Қазір де ешкім көргенжоқ, тоқтамай жөнеліндер, - деп Жамал

мен Ғалидың беттерінен сүйіп, жыламсырап қоштасып, жастар аттарына мініп жөнелгенде біраз арттарынан қарап тұрып, үйіне қайтты. Шолпан кісі

көзіне түспей үйіне барып жата тұрсын, біз мезгілсіз аттанған жолаушыларымызды жолға салып жіберелік. Фалидың достарымен ақылдақсанда Жамалды алып барып жатпақшы жері - дуанда өзі бірге саудалас болып несие алып жүрген Фатихолла бай еді. Қазірде ауылдан былай бес-он шақырым шыққан соң, арттарынан құған ешкімнің дыбысы жоқтығына көз жетіп, тағы да ақылдастып, сол әуелі планы бойынша жүз жиырма шақырым жердегі қалаға тартпақшы болды. Бұл түні күн шыққанша елу шақырым жүріп, адам жоқ бір қыстау келіп жасырынып жатты. Күн батып, ымырт жабылғанша бұларды ешкім көрмей, енді тәуекелден, таң атқанша дуанға жетпекші болып Ғали мен Жамал жүріп кетіп, Жүніс пен Нұрмаш елге қайтты. Ғали, Жамал қалаға саламат жетіп, Фатихолла байдың үйіне келді. Бастан аяқ оқиғаны Ғали Фатихолла байга айтқаннан кейін, Фатихолла бай әуелінде осындағы қазақтың қызды жастай құда болып, біреуге беріп қоятын жаман гадетін жек көргендігі себепті және де Ғалиды һәм тәуір көретіндігінен бұл екі мұсәпірді қабыл алды. Фатихолла бай өзіншетәуір пікірлі ғана, өзі айтқан сөзін болдыруды жақсы көретін бір татар еді: «Әйдә, Ғали! Син бір де қорықма, алhamдіlle, бізniң қорага рұқсатсыз еш бір степной қырқызларың кірә алмас. Эгер де киліп скандал ығармақчы бұлсалар, прямочастъқа заявить итіп, жилкөлерін қашытармыз», - деп Ғалиды қайраттандырып қойды.

Бір қонғаннан кейін Ғали Фатихолла баймен ақылдастып, құр мұнда келіп қарап жатқанның мәнісі болmas, «ұлықтан Жамалдың басына ерік алалық» -деп адекватқа арыз жаздырып, крестьянский начальшкке Жамалды кіргізді. Арызында: «Мені жеті жасымда атам қазак ғұрпынша бір қазаққа малға сатқан екен, бұл күнде кәміл жасқа толып көрсем, күйеуім өзіме ұнамагандығы

себепті һәм мені атам ықтиярсыз бермекші болған себепті, өзімнің сүйген

жігітіммен қашып келдім. Мархамәтшылық жүзінен мен мазмұнаның көз жасын құрғатып, басыма еріп қияннattan қорғасаңыз екен», - деген сөздер жазылған еді. Бұл арызды ілтифатқа алып, начальник Жамалдың қолына: «Кімге барсаң да ықтияр», - деген қағаз беріп, болысқа һәм былайша қағаз шығарды:

«Жамал Сәрсенбайқызына ешкім қиянат, жәбір қылмасын! Сүйген күйеуіне баруга өзіне еріп берілді. Қалыңмал хақында дау болса, волостной съезге саларсын», - деп.

БӨЛІМ 11



Енді оқушыларға елде болып жатқан уақығалар маглұм болсын. Жамал қашқан күні таңертең Сәрсенбай намазға төсектен тұрып тұндік аштырып азан оқып болғаннан кейін, Жамалдың жоғын көзі көріп, қатындарынан:

- Жамал қайда кеткен? - деп шұбәланып сұрай бастады. Шолпанда еш нәрсе білмегенді:

- Жамалжан тысқа шыққан шығар, - деп тұрганда Сәрсенбайдың бәйбішесі:

- Ойбай, бетім-ау бір сүмдік болған еken ғой, Жамалдың ілулітүрган киімдері қайда? - деп, сол минутта Жамалдың қашқаны мәлім болды. Үй іші сасып, ренжуде болып, сол сағатында ауыл да жиналып ақылдаса бастады, біреулері:

- Өзінің күйеу іалып кеткен шығар, - деп, көбі:

- Жок, мұны Дүйсебектің қу баласынан басқа ешкім әкеткен жоқ. Өздерің де соны патшаның баласындағы әлдекандай көріп тым еркінсітіп жіберіп едіңдер, ал енді қайтер екенсің, - деп, Сәрсекенің жалғыз басын даңқылды. Сейтсе де мәслихаттасып: «Осындағы маглұмсыз

біздің баламыз, сіздің келініңіз Жамалды біреу тұнде алып кетіпті, енді не қыламыз», - деп Байжанға кісі жіберді. Және бір жағынан астыртын Фалидың аулына да кісі жіберді. Кешке таман Фалиларға кеткен жігіт бүтін: тұнде Фали, Нұрмаш, Жұніс үшеуінің жақсы аттарына мініп үйлерінде жоқ болып шыққан хабарын алып келген соң, шұбәсyz істің анығын біліп, Байжанға екінші кісі жіберді:

- Мінеки, Дүйсебектің баласы алып кетіпті, ендігі ақылын өздерініз білесіз, - деп. Бұл күн осылай хабарлармен өтіп, екінші күнде Байжан жиырма жігіт ертіп, «бәлемнің шаңырағына қобыз тартайын», - деп, Сәрсенбайдың аулына келіп тұсті. Бұл өткен тұнде Нұрмаш пен Жұніс те үйлеріне келіп жеткені мағлұм болып, аттары сүмектей болғаны әркімге көрініп қалған еді. Байжан істің анығын білген соң, жолдастарынан бес кісіні тұнде аттандырып, Фалилардың аулынан жылқы алдыруға жіберді һәм болысқа кісі жіберіп жазды: Мінеки, осындаі оқиғалар болып қалды, билеріңді алып мұнда келіні! - деп, Байжанның барымтага аттандырган жігіттері ат, айғыр, ту биеден он екі жылқы алып һәмжолдан Сәрсенбайдың бір қысырағының үйірін қоса айдаип барып та қалды. Құллі жиылыштың расходы Сәрсенбайдың мойнында болып, қорыққаннан бір ауыз сөз қарсы айтуга хәлі де жоқ еді, хәттә жан-жаққа шаптырып жатқан аттар да Сәрсенбайдікі еді. Үш-төрт күннің ішінде бір болыс елдең керекті кіслер жиналып, бір үлкен съезд болды. Байжанды жақсы көргендер халық жиналған жерде: Міне, жұрт бұл секілді тентекке тізгін беріп жібере берсе, жұрттың қойнындағы қатынын да әкетер, мұндаі болмасқа тыю салып, біреудің ақ баталы жесірін қайтарып әперу керек. Біреуге болған қиянат ертең екінші кісінің басына келмей ме, мұнымен халық арасы бұзылып, жұрттықтан шықпаймыз ба? - деп уағыз

сейлей бастады. Кешке таман інір уақытында Байжан болыс писірді, осы жиылдықта келген бес биді һәм указной молда Ахметжанды оңаша, ауылдың сыртына шақырып алып:

- Енді ертең не болса да бір іс қылышыздар, мен қазір де малға бітпеймін. Мыналардың бізге барып қалған он жақсы жылқысы бар, бұл мал менің жауымға қайтарылып берілгенше өздерің олжа қылышадар, мен кешіктірмей сатып жіберемін. Сіздер бір жолға менің намысымды жоқтап не дегенімді істеп берініздер? - деді. Бұлар да «олжа» деген сөздің қарасын көрген соң, мұрттарынан құліп:

- Енді қалай қылдейсіз? - деп сұарды. Байжан айтты: - Сіздер әр қызметтің басындағы кіслерсіз, мінеки, болыс пен писір ұлық жагынан бұл туралы нендей іс болса да дүрыстап тұrap. Билер ертең Сәрсенбай, Дүйсебектердің мұнан сұрайтын жылқыларын атказ етіп, қыз бен жігітті шығарып жіберген екі жігітті соларды тауып әкелуге міндетті қылышыздар, тауып әкелмесе түрмеге отыруға бұйырыныздар! Ал Ахметжан молда, сіз бұл қыз бен біздің Жұман екеуіне алып қашудан он күн бұрын неке оқылған еді деп книгенізге жазып, бізге қуәлік берініз, - деді. «Сіз мұндан жұмысты болып тұрғанда өтірікке де болса кіріспей болмас», - деп разы болысты. Сол жерде Байжан қалтасынан суырып, әрқайсысына елу теңгелеп төрт жұз теңге ақша берді. Бұл тұн өтіп, таң атты. Болыс- билер повеске жазып, Галидың атасы Дүйсебекке һәм Нұрмаш пен Жұніске шақырушы кісі жіберді. Бұл үшесі де хабар тиген соң бармай қалудың лажын таба алмай, өздеріне қараған атқа мінер кіслерін алып, Саумал көл басындағы құрылған съезге келіп жетті. Тістерін қайрап отырған болыс пен билер бір сағат кешіктірмей тексеріп, қолға ала бастады. Екі жағынан сұрастырып келгенде қыз алып қашқан жагы: «Енді біз қолмен істедік, мойынмен

көтереміз гой, бір тентектің мұндаі ел арасын айырып сөзді қылғанына өзіміз де ренжиміз, жолымен мал беруге разы боламыз», - деді. Байжан мына сөзді естіген соңтас-талқан болып:

- Мен өзім ат жалын тартып мінгелі мұндаі қорлық көргенім жоқ. Бүгін Қарынбайдың малын берсеңде бітпеймін, жесірімді әкеп бер, болмаса мәймөң келеген былшыл сөзің керекемес, - деді. Билер де:

- Байжанның сөзі дұрыс. Байжан жөн айтады, - деп мақұлдан қойды.

Билер Жұніс пен Нұрмаштан сұрады.

- Сендер Фалиды шығарып салғандарың рас па? - деп. Бұлар мойнына алып:

- Жаны бірге құрбы болған соң, шығарып салғанымыз рас, - деді. Билер оңаша үйге писірді алып барып, биліктерін жазып қайтып келіп есіттірді:

- Жұман Байжанұлының некелі қатыны Жамал Сәрсенбайқызын ықтиярсыз Фали Дүйсебек баласына шығарып беріп жібергені үшін: Дүйсебек, Жұніс, Нұрмаш үшіуі бір айдың ішінде тауып беруге міндетті болады. Егер тауып бермесе, әр қайсысы екі айдан түрмеге отырады, - деп мағлұм етті.

Жауапкер жағы:

- Бұл некелі қатын дегеніңіз қалай? - деп сұрасып еді, билер «Шаригат бойынша ижаб қабыл болған соң, бәрібір неке емес пе?» - деген болды. Хақиқатында бұлар указной молдадан өткен тұнделгі күәлікті алмақшы болып қойғанын Дүйсебектер сезбей қалды. Бұл биліктен кейін Дүйсебек, Сәрсенбайлар Байжанның барымтаға алған жылқыларын сұрап биге түсіп еді, билер мұны қарсы дау деп атказ қылды. Бұл екеуі билердің осы екі билігіне де разы болмай копия сұраган соң, ауылға келіп аларсындар деп болыс писер книгаларын жауып һәм сол күні халық тарқады. Копия алу үшін болыстың аулына Сәрсенбай,

Дүйсебектер бірнеше мәрте барса да, әр түрлі себептер айтып бермей жүргенде, он бес күн өтіп кетті. Бұл құндердің ішінде арыз бойынша начальникten жоғарыда айтып өткен қағаз да келіп қалған еді. Болыс Байжанды шақырып алғып ақылдастып, начальникке тағы да қағаз қайтарды:

- Дауласқан екі тарапының сұрауы бойынша бұл қыз хақында билерге салып едім. Хақиқатта бұл қыз Жұман Байжанұлының некелі катыны екен, растығына үшбунің илән бірге жіберілген указной молда Ахметжан Аямасұлының метрический книгадан берген күелігі дәлел, һәм билердің билігінен законлы срок, яғни он бес күннің ішінде келіп копия алмады, соның үшін билікті орнына келтіруге әмір етсөніз екен, - деп.

Болыстың бұл қағаздары начальникке тиғен уақытта Дүйсебек, Сәрсенбай, Нұрмаштар да қалаға келіп жетіп, ғарызларын кіргізді.

- Өз ықтиярларымен бірін-бірі сүйіп қашқан қыз бен жігітті біз қашырды деп, қанша малымызды барымта алып бермей, өзімізді тауып беруге міндетті қылып, тауып бермесең екі айдай түрмеге бүйірып, уә һәм указной молдамыз неке оқыдым деп өтірік күелік беріп, болыс-білер һәм байлар бірыңғай болып қиянат етіп түр. Бірнеше мәрте барғанда биліктен копия да бермеді, - деп, нендей болған уақығаны баян етті. Начальник бұлардың ғарызын ілтипатқа алып, болыстан жауап сұраган қағаз жіберді.

БӨЛІМ 12



Байжан әуелгікыз қашып, халық жиналған күннен бері құпия әр жерге қыз бен жігітті іздеуге кісі жіберген еken; әр бір барап деген шұбәлі орындардың һеммасында жоқтығын сезіп, ақырында қалада Фатихолла байда екендігіне көзі жетіп, шаһар ішінен қол іс қылып ала алмаспыз, Фатихолла байдың елде алатын екі мың тенгедей несиесі бар ғой, енді бұл қашқындарымызды сақтап, халқымыздың жақсыларының тентек деген кісін шығарып бермесең, несиенде бергізбейміз десек, қорқар деп маслихат етті. Осы сөзді айтуға келген кісіге Фатихолла бай ішінен қауіптеніп, былай болуы да бек ықтимал деп ойлап жауап берді:

- Дұрыс, әуелті уақытта ұлыққа арыз беру үшін ғана бізге үш-төрт күн болып қонған еді. Қазірде бізден кетті, қайда екенін білмеймін. Егерде мұнан былай бізде екендігі білінсе, халқындың не қылғанына разымын, - деді. Бұл кісі Фатихолла байдың әлті сөзінен анып, елге қайтты. Фатихолла бай Фалиға сөйлемеді:

- Мына кәпірлердің сырлары өзінде мәлім ғой, енді

басқа бірнеше жерге барып паналаганың өзіне де, бізге де пайдалы болар еді.

Фали да бұл сөзге түсініп:

- Хайыр, Фатихолла абзи! Мен сізге ризамын, залымдар не қылады деуге болмайды. Олай болса, мұнан үш шақырым жерде атамның нағашысы бар, сонда барайын, - деп, ертеңіне жүргүте даярланды. Фалидың өзінде жегуте екі ат бар еді. Фатихолла бай арба-сайман һәмелу теңге ақша беріп, қаладан шығарып салып, «қайырылса сапар» деп, дүғада болып қалды. Фали, Жамал да өздерінің ата-анасынан айрылғандай болып қимай, жылап айрылысты. Фали әуелден ногайша киініп жүретін һәм Жамалды да ногайша киіндіріп, шәлі бүркендейген соң жолда көрген кісілер шубәсіз ногай деп біліп, бұлардан қауіптенбей, көнілдері шаттанып, оңашада ойындағы сөздерін сөйлесті. Фали сұрады:

- Егер жаман айтпай жақсы жоқ, өстіп жүргенде колға түсіп, сені менен айырып әкетсе, қайтер едің, көніп кетер ме едің? - деді. Жамал:

- Құдай сақтасын, не айтасың, жаным сенің жолында құрбан, сенен тірі айрылғаннан өлім маган көп артық, - деді. Бұлар бұл секілді сөзben келе жатқанда сәске түс болып, жолшыбай ағаштарды аралап, бір қөлдің жағасынан өтті. Маңайында ел болмағанға бұл қөлде неше түрлі қаз, аққу, ғайыр құстар би қисап көп еді. Атырабындағы жердің һаммасы тамылжып кілем төселгендей болып, желсіз құнде көл айнадай жарқылдап, алыстан сағымдар мұнарланып, біздің екі ғашық біраз тамашаға қалып келе жтқанда, Жамал ойына бір нәрсе түсіп кеткендей ән салып, мынау өлеңді айтыпжіберді:

Фаламды он сепіз мың жаратқан хақ,

Көп беріп біреуге мал, біреуге бақ.

Біреуді ғалым, біреуді залым еткен

Біреуді мұнлы жараттың, біреуді шат.

Тамаша аспан менен жері қандай,
Зенгір тау, дария шалқар көлі қандай.
Орман-тогай гүл енген бақшалары,
Пайдаланған бұлармен елі қандай.
Көзім тоймас қарасам тамашасын,
Қисабына ми жетпей адасасың.
Заң түзеп, закон жайып, патша отырып,
Қараған ғаділдікпен қарашасын.
Таласқан аспан менен таулар биік,
Мекендер аю, қасқыр, марал, киік.
Ұжмақтың шешмасындағы бұлагына
Кетпей ме қарап тұрсаң іштен күйік?
Аспанда ай мен жұлдыз, күні қандай
Қалғыған мұнарланып түні қандай.
Суда балық, көлде күс, тоғайда аңдар
Шулаған неше түрлі үні қандай.
Жаннattай тамашалы жазы қандай,
Келетін ұшып ақку, қазы қандай.
Ескеріп өткен күнді кәрілері,
Жастардың және де айтқан назы қандай.
Сықырлап келіп қалған қысы қандай,
Қар жауып, су қатырған мұзы қандай.
Берген соң алла қуат жан сақтарлық,
Жүреді мақұлықтар үсік алмай.
Біз гаріп сол панаңда саялаган,
Дұшпандар рақымсыз аямаған.
Жіберсең жалғыз тамшы рақматынан,
Болса да құтылмаймыз қай арадан.

Fали, Жамал жолда төрт қонып, Қырық құдықтағы
нагашысы Бабас деген кісінің үйіне келіп жатты.
Көңілдері орнығып, қорқынышсыз күннің өткенін де
білмей жатқанда, елдегілер бұрынғы қалпынша дауласып

қағаз үстінен қағаз айдап, бір берекесіз, аяғы үзілмейтін дауға кіріскең еді. Ғалидың нағашысы да һәм сол елдің жақсы кіслеріде: «Енді бұлар бізді пана тұтып келді ғой, біз де елдігімізді көрсетіп қорғалық, көп болса екі жыл дауласар, онын, ар жағында өздері де шаршар», - деп жастардың көңілін бұрынғыдан да қуантқан еді. Бұл мұсәпірлердің бақытсызығына қарсы бір күні Ғали тесектен ауырып тұрды. Нағашылары да үрпісіп қалып, Жамалдың түсі қорыққаннан өзгеріп кетті. Ғали: «Тұлабойым қызып, сүйектерім сырқыраған секілді болып тұр», - деп тынши алмай, науқасының күштілігі көрініп, төсектен тұрмай жатты. Науқасы күннен күнге ауыртартып, төрт-бес күннің ішінде бек қауіпті секілді көрінді. Әрбір тамыршы дәрігерлерді әкеліп тамыр ұстасып, ұшықтатып-қақтырып көрсе де тәуір болмады. Жамалдың көзінен қанды жастар төгіліп, ас ішпей, кірпік қақпай зор қасіретке кірісті. Бір минут Ғалидың қасынан кетпей, һаман ауырды деген жерлерін сипап, мөлдіреген көздерін Ғалидан алмай қарап отыратын болды.

Екеуінің қасында кісі жоқ уақытта:

- Менің бақытсызығым өз басымнан асып, жаман аты саған да тие бастады, ақыры қайырлы болсын, - деп, Жамал Ғалиды құшақтап жылап та алушы еді. Ғали:

- Жылама, алла сақтар, жазылармын, қазынасы кең бір сағатын жіберер, - деп өзін, өзінен де Жамалдың көңілін жұбатушы еді. Сөйтсе де дерт күшейіп, Ғалидың халі нашарға айналды. Нағашылары: «Еліне хабар жіберелік», - деп еді, Ғали рұқсат етпеді.

- Алланың жазғанынан қашып құтылмаспын, құдай сақтар жіберменіздер, - деп тоқтатты.

Он күнде науқасы сонша ауырлап, хәттә арызdasа бастады. Жамал бейшара қияли болған кісідей бағзы уақытта басы айналып, талып та қалып, Ғалидан:

- Мен енді қайтемін, сенен қайтіп қаламын, сенсіз

дүниеде мен не боламын? - деп неше мәрте сұраса да, Фали:

- Құдайға тапсырдым, - дегеннен басқа еш жауап айта алмады.

Барлығы он үш күн ауырып, бейсенбі күні түс кезінде жаңа гүл шашып келе жатқан бақшадай жанып тұрган жас ғұмыр сөнді. Алла рақмат тілесін... Жұма күні халық көп жиналып, жаназа оқып, Қекен моласы деген зиратқа апарып қойды. Фали жан тәсілім қылғаннан бері Жамал ессіз болып жатқан еді. Нагашылары да үлкен уайым қылып, «бір сапар бізге мұндай жұмысты болып келгенде бейшаралар бүйтіп қалды, қолымыздан өлтірген секілді болдық-ау», - деп, өздері ақылдастып, естіртіп һәмхабар айтуға кісі жіберді. Хабаршылар Фалидың үйіне, Жамалдың үйіне кісі салып естіртті. Екеуінің де ата-аналары қағазға жазып келтіре алмастай жылап, зарлап, қайғыланып дүшпандары һәм сол дәрежеде табалап шатланған еді. Көп тоқтамай Фалидың ата-анасы һәм Жамалдың шешесі қасына жолдастар алып, аянышты өлім болған жерге жетті. Келісімен жылап-сықтап, зиратқа барып мауқын басып, ауылға келді. Жамал бейшара аз күннің ішінде сұзектен тұрган кісідей болып, келген ата-аналарымен жылап көрісуге де хәлі келмеді.

Жамалдың шешесі:

- Жылама балам, бақытсыздығынан көр, құдай жазбаған, обалың бізде секілді. Әуелде қазақшылық қылмасақ, мұндай іске себеп болған секілді болар ма едік? Тентек қылсаң да теңінді тауып едің, алла лайық көрмеген соң, жылағаныңмен не өнеді, - деп бір сыпыра насихат айтты. Фалидың шешесі де жылап:

- Қарағым Фалижан мен Жамалжан қашан елдің сөзінен құтылып, оң жағымды қарайтып отырар деуші едім, ол тілегіме құдай жеткізбеді, - деп сөздің аяғын бітіре алмай, еңкілдеп жылап жіберді. Бұлар үш күн

қонып, қайтатын күні Галидың зиратына дұға қылмақшы болып келген еді. Молда құран оқып болған соң, Жамал Галидың қабірінің басын құшақтап отырып, көзінен жас ағызып сөйлемеді:

- Гали! Гали! Бақытсыз Жамалың қасыңа келіп тұр, алла тағала маган сениң қабірінді көрсеткенше, мені алғаны жақсы болатын еді, бірақ бүйірықсыз жан шықпайды екен. Дүниеде бірге рақат гұмыр өткеремін, Гали тұрғанда еш жаманға қор болмаймын дегенім тәкаппарлық екен. Алла қабыл етпеді, үмітім кесілді, Гали. Қып-қызыл шоқтың ішіне тастап, алыс сапарға жөнелдің, өзің үшін қайырлы болсын! Мен сорлың қеудемде шыбын жаным барда сені ұмытпаспын. Дүниеде патшаның баласы болса да саған тенгермеспін. Қош жаным! Гали! Бір мен үшін мейірбан ата-анаңды да көре алмай, қолдарынан топырақ салғыза алмай кеттің, кеш, жаным! Алла тағала ақиреде қосылуға несіп тілесін, сол уақытта ғана көрген қасіретім бір сағаттай болмай ұмытылар. Мен сорлың опасыз дүниеде қонақтай алмай адасып қалдым, қош, жаным. М... м... қош...о...ш,- деп Жамал талып кетті. Зират басындағы халық Жамалға су бүркіп, кішкене тәуір болған соң алып қайтты. Сонда да Жамалдың есі бүтін кірмей, әлденендей мағынасыз сөздер сөйлеп келе жатты. Зираттан қайтқан соң Бабастың үйіне келіп, енди жолаушылар қайтпақшы болды. Галидың ата-анасы үйіне кетіп, Жамалдың шешесі Жамалды өз үйіне алып қайтты.

БӨЛІМ 13



Жамал үйінекеліп тұрған соң күннен-күнге уайым-қайғысы артып, жаман болып, адам баласыаярлықтай жүдеді. Байжандар істің ақыры мұндайға айналған соң «енді қайда барап дейсің» - деп, дауды да көп қозғамай тыныш жата берді. Жамал өз үйінде бір айтұрғаннан кейін Байжанға да, Сәрсенбайға да бірдей көлденең ағайындар дәлләлат қылып, Байжанға:

- Енді келініңізді алдырыңыз, пәлен-түген деген кек қылмаңыз, әуелден еш кінәңіз болмаған соң алла тағала жақ болып ақыры мұндай болды гой, - деп һәм Сәрсенбайғада:

- Енді сіз де баланызды әуелі разы болған жерінізге беріңіз, - деп насхат айтты. Бұл сөзге екі жағы да разы болды.

Шолпан қызынан сұрады:

- Қарағым, Жамал, жұрт мынандай деп жатыр, енді қайтеміз? - деп. Жамал:

- Апа, енді менүшін жаман атты болмаңыз, маған енді Гали болмаған соң бәрібір, суга батырып, отқа жандырса да ықтияр бере беріңдер, алла тағала менің маңдайымды

ашайын десе, Ғалиды мұндай қылмас еді, - деп қасіреттеніп, мұңлы дауыспен жауап берді. Жұман мырза Жамалды өзі келіп алуды намыс көрген соң, Байжанның қатыны келіп алып кетті. Бір күндерде Жамал кәміл бақытты бір қыз болып жүрттың аузына ілігіп, құрбысының алды болып жарқылдан жүрген дәрежеден түсіп, ақырында мұндай қадірсіз, мұндай кемшілікке душар болып, барымтаға түскен маддай біреуден біреу алып жүргенін көрген халықтан Жамалды аямаган жан калмады. Жиын-тойда болғанда, көлге қонған аққудай көрінетін Жамалды енді көрген кісі танымай қалатын болды. Жамалды Байжан үйіне келтіргеннен кейін болыс арқылы қағаз жазып, ұлыққа білдірді. Құдай қазасы болып Ғали Дүйсебек баласы опат болғаннан кейін билердің үкімі бойынша атанасы Жамалды алып келді. Жамал да енді бұрынғы күйеуіме тазамын деп қол қойып, подпиське берді, Жамал болып: «енді екі тарапымыздың да бір-бірімізден сұрайтын хақымыз, дауымыз жоқ», - деген соң құллі бұл іс хақындағы ғарыздар отказ деп, начальниктен хабар келді. Бұл оқигалар тамам болғанда октябрь жүлдізы жетіп, жүрт қыстауларына кіре бастаған еді. Жамалың ешуақыт ойынан Ғали кеттей, бір минут көніл ашып, езу тартып құлмеуші еді, ешкіммен сөйлеспей, сөйлеген кісінің сөзін ұқпай я естімей бір түрлі диуана кісідей болып жүрді. Жұман ерегісіп, бұрынғыларын алдына келтіремін дегенсіп, не сөйлесе ұрсып, боқтап сөйлеп, бағзы уақытта түртіп түйіп қалып, қорлап жүрді. Байжан мен қатыны Жамалды шын ықыласымен жақсы көрмей, баласына ақыл айтып, көп тоқтатпаушы еді. Жамалдың үстіндегі киімі бек нашар болып, бағзы уақытта көздерінің алды көгеріп те қалып жүргенде, Жамал

бейшара кісі көзіне көрінгенде жерге кіріп кете

жаздаушы еді. Соңғы күндерде Жұманға ақыл айтушылар да болып, һәм Байжанның өзіде:

- Енді балам, жетер, «қашқан жауға қатын ер» деп көп қоқақтай берме, - десе де құлағына кірмеді. Жамалға жаны ашып көріне болысатын кісі болмай», жалғыз қолынан келгені оңашада зарланып жылауғана еді. Осылай қыстың бір-екі айы өтті. «Жамалдың көрген қорлық, кемшілігін мұсылман баласына бермесін», - деп айттарлыққа лайық болып, тұрса аяққа, отырса басқа ұратын болды. Нендей ұрып-соғып қинаса да, Жамал бір сөз қарсы айтып көрген жоқ еді. Бір күні Жұман таты да бір себепсіз боқтаған соң, Жамал шыдай алмай:

- Мені өлтіретін болсаң біржола өлтір, әйтпесе өзі қүйіп жүрген жанымды қүйдірмे? - деді.

Жұман мына сөзді ести салып:

- Я, сенің сүйіп болған байыңың қүйігі басылмай жүр екен ғой, мен сенің қүйігінді басайын, - деп, сол жерде тұра салып қеудеге тепкілеп, Жамалды талдырып тастады. Бұлардың үстіне Жұманның шешесі келіп айырып алып, Жұманды ұрсып:

- Енді сен кісі өлтіремісің, - деп үйден шығарып жіберді. Жамал бір сағаттан кейін есін жиған соң, ақырығы ақылын жиып, мен бүйтіп жүріп тіршілік қыла алмайды екенмін, мұнанда бұл иттің қолынан өлгенше басқа жаққа кетіп өлейін, - деп ойлады. Жамалдың бармақшы болып ойлаганы - қаладағы Фатихолла бай еді. Әйтеуір онда жетсем, біреудің самаурының қайнатып, қызметін қылсам да қор болып, халық көзіне көрінбес едім деп, осылай ойлап жүргенде күн де батып, түн болып, ел де жатты. Жамалдың бұл ойлаганына қарай осы түні Байжанның ерттеулі аты таң асып тұрган еді. Жылырақ киім киініп, ептең шығып Жамал әлгі атқа мініп, үлкен жолмен: «Құтқардың ба, құдай?»- деп жөнелді. Жамалдың ісі әуелде теріске басып келе жатқанмен, бұл сапарда істің

сөті болмайтын белгісі көріне бастады. Жамал шыққан уақытта азырақ жаяу борасын бар еді. Жамал жиырма шақырым шыққан уақытта боран көтеріліп, жол көрінбей бастады. Бара-бара боран әбден қүшейіп, алды-артын орап алды. Қорқыныштың не екенін һәмжән-тән рақатын ұмытқан Жамалдың ойында Фалиғана болып келе жатқан уақытта аты бір жерге келіп тұрып қалды. Сол уақыттағана байқаса, ат әлдеқашан жолдан шығып кетіп, бір қалың омбы қарға тоқтаған екен. Атты кейін бүрайын десе, екі қолы қатып қалып, тізгінді ұстауга келмей тоңып һәм күллі денесінің қалтыраганын сезді. Жамал бар қүшін жинап алып, атын бұрып жүрген болып еді, еш нәрсе көрінбей, жол табылмайтын болды. Осылай адасып тұн ортасына шейін жүріп, өзі әбден жаурап не болғанын білмеске айналды. Тым болмаса аттан түсіп, жаяу жүрсем жылынар ма екенмін деп, түсіп жүріп көріп еді, қалың қарға жығылып-тұрып жүре алмай, бір жерге келіп біржола құлады. Күндізінде мініліп жүріп, тұнде һәм болдырған ат Жамалдың қасынан ұзамай тұрып қалды. Жамал да жан ұшырып, тұлабойы қызып бара жатқан секілді болып, үстіндегі киімдерін әр жерге шешіп лақтырып, бар даусымен:

- Фали, Фали, қиналды жаным, қайдасың? - деп, ақырғы тіршілігінің минуты осы болып, бір ояздай елге әңгіме болған сұлу Жамал мақсатына жете алмай, жапан далада, декабрьдің рақымсыз боранды тұнінде жан тәсілім қылды... Боран Жамал үшінғана болғандай таңертен ашылып, Жамал бейшара да жолдан жарты шақырымғана жатыр еді. Сәске кезінде қаладан келе жатқан бесалты жолаушы әлгі жерге жақындағанда жол үстінде қалтиып тұрған бір ерттеулі атты көріп, бұрылып келіп шүбәланып, мұның иесі қайда екен деп жан-жаққа аттың ізімен жүріп іздегендеге, Жамалдың үстінен тұсті. Көрсе - бір әйел адам, қасында шашылып жатқан киім. Сол

жерде жолдастарының бірін жақын жердегі ауылға шаптырып, өздері күтіп тұрды. Бұлар қарап тұрмай: «Бұл кім екен, неқылған адам екен», - деп тани алмай тұрғанда, біреуі: «Мұның қалтасында не бар екен» деп шапанының қалтасына қол салғанда, қарындашпен жазылған бір қағаз шықты. Оқып көрсे бұл Байжанның келіні Жамал екен, бұл қағазға Фалиды жоқтап һәм басына келген зарын жазған екен. Елден кісі келіп, Жамалды Байжандарға апарып берген соң, ертеңіне бауыры суық қара жерге тапсырды. Манағы Жамалдың қалтасынан шыққан қағазды жолаушылар өздері оқып һәм солай деп мәнісін айтып, елдеріне таратқан еді. Сондагы Жамалдың Байжанның үйінде жазып жүрген зары мынау екен:

Kызынғ құны бес байтал,
Сатылып кетті базарға.
Басымнан кешкен уақыға
Емес пе лайық жазарға?
Жаны ашыған шахбазлар
Ала жүрсін назарға.
Рақимлы пенде гаріпке
Нақақтан ор қазар ма?
Миһрибанлы атамыз,
Қарамай берді ажарға
Теніне барған қыз болса,
Мендей жүдеп азар ма?
Көрмеді алла лайық
Ғали сынды сабазға.
Көрген тұстей күн өтті.
Болған соң солай азалды.
Қуанышыңды көрсетіп,
Тартқызған қайғы жазаң да.

Қараңғыда қалдым мен,
Шамшырақ сонген заманда,
Ғалидан қалып не болдым,
Жетпеді менің қазам да.
Ішіме түсті ыстық дерт
Қайнаған судай қазанда.
Бұзылды күлкі, тұнгі үйқы,
Тілеймін хақтан азанда.
Махшар күні болғанда
Қосуга алла жазар ма?
Арасында екі оттың
Мені, алла, қор еттің.
Фариптің көңілін мұңайтып,
Дүшпанды шадлы зор еттің.
Алтын-гауһар - асылды
Жерге көміп жоқ еттің.
Аспаһани қылышты
Жасытып фәлші бор еттің.
Жамал қыздың дауы деп,
Саумалкөл басын топ еттің,
Рақматың мол құдайым,
Масқара мұнша неге еттің.
Тоты құс едім бақшада,
Қарақұсқа жем еттің,
Хан қызындаій басымды
Бір жаманға тең еттің,
Ботасыз нардай боздатып,
Мінекей, мені еніреттің,
Қаһарыңды жіберіп,
Тең құрбымнан кем еттің,
Мұндай зарлы, Ғали жок,
ісіне көндім құдіреттің!

П етропавл, 1910.

